



蘭雪堂古書苑

和



| |
|-----|
| 13 |
| 201 |
| 3 |



葛葛奚奚范范彭彭

昌昌馬馬苗苗鳳鳳

昌昌馬馬苗苗鳳鳳

任任袁袁柳柳豐豐

任任袁袁柳柳豐豐

乾乾隆隆年年文文

乾乾隆隆年年文文

錢錢孫孫李李周周

錢錢孫孫李李周周

錢錢孫孫李李周周

始天

坤為為

乾者者

初上上

初上上

混清清

混輕輕

混輕輕



饒安 鄧志謨景南 編輯

戴 珉潔澄

西泠 戴 恩瀾石 蔡定

戴 奕師曾 明正三年九月十四日

市島謹左 氏寄贈



南宮文庫古事苑定本卷之七 忠字本

文章

竹素輝螢芸編走蠹九丘八索九州八澤之書五典三墳五帝三皇之帙道德五千字著自老君毛詩三百篇刪於孔子牙籤拍塞橫甲乙丙丁四庫之全緗帙充盈

文章



萃秦漢宋唐列朝之盛麟筆大禪於文士豹翰深利於武夫二酉書開墨香猶潤三都賦就紙價遂高長蛇生馬之文最難措手硬弩枯藤之字未易揮毫富學如薛收偏向馬頭前草檄豪吟如鄭蔡還從驢背上成詩擅美譽於詞塲禹錫詩豪山谷詩伯著英稱於藝圃伯英草聖子玉草賢韓愈文奇日光而又玉潔右軍筆健虎臥而復龍跳八行書言言委曲三尺法字字威嚴宋之問詩句豪騷奪武后鮮袍之錦歐陽詢筆踪道勁來異方重幣之金土牛賦誰不稱奇孤鴈詩人皆道美雕龍

繡虎可知並駕儒林縈蚓縮蛇雅識獨雄法苑至若輕縑細細儘堪列學士之林他如衲被重重恐未屬名家之筆驚人鳴方為傑作點鬼簿還是小疵

劉向為成帝典校書籍先書竹刊定其上名竹素漢芸香草可辟蠹故曰芸編古詩芸葉薰香走蠹魚淮南子以八澤之志為八索九州之志為九丘少昊顓頊高辛唐虞之書為五典伏羲神農黃帝之書為三墳墳大也三墳者山墳地墳形墳也山墳言君臣民物陰陽兵象地墳言歸藏發動長育生殺

形墳言天地日月山川雲氣卽伏羲神農黃帝之書
 魯國毛亨爲詩訓詁以授趙國毛萇時人謂亨爲
 大毛公萇爲小毛公故詩曰毛詩唐玄宗兩都各
 聚書四庫以甲乙丙丁編爲號次甲經書赤牙籤乙
 史書綠牙籤丙子書碧牙籤丁集書白牙籤唐貞
 觀中顏師古爲秘書監書序云文人才子名溢於縹
 囊飛文染翰卷盈於緗帙麟筆謂春秋太公六
 韜所謂龍韜虎韜豹韜犬韜文韜武韜二酉詳前地理
 晉書左思字太冲作三都賦洛陽士大夫家競相傳

寫紙價遂騰貴唐孫樵書玉川子月蝕歌韓吏部
 進學解拔地倚天句句欲活讀之如赤手捕長蛇不
 施鞍勒騎生馬玉川子盧仝號晉鍾繇弟子宋翼善書畫
 一戈如百鈞硬弩作一直如百歲枯藤作一放縱如
 驚蛇投水唐書薛收在秦王府嘗於馬頭前作檄
 文皆如宿構詩話或問鄭絳詩思答曰在灞橋風
 雪中驢子背上唐劉禹錫放誕不拘時人謂之詩
 豪詩話云黃魯直分友人爲江西詩伯亦云詩祖
 晉張芝字伯英嘗臨池學草池水盡黑及藝成章

仲將稱之為草聖。唐崔瑗字子玉，學草極工。士人宗之，日為草賢。漢馬融與竇尚書曰：「昨孟陵奴來賜書，見手跡書，雖一紙八行七字，七八五十六字，百一十二言耳。」唐杜周傳客謂杜周曰：「君為周決，平不循三尺法。」三尺者以竹簡，三尺為法律也。英賢篇。法書苑。歐陽詢為書筆力險勁，為一時之絕。高麗王遣使賁金求之，高宗嘆曰：「詢之書名遠播，乃爾。」南唐江文蔚作土牛賦云：「欲渚倘臨訝盟津之捧塞，度關若許疑百谷之丸封，人競傳之。」孤鴈詩見百禽漢鄒爽文若

雕龍故曰雕龍爽。曹子建才思藻炫，更敏捷，人號為繡虎。書斷：蕭子雲善草書，行行若紫，春蚓字字若縮秋蛇。唐張九齡之文章如輕縑素練。實濟時因。呂氏家塾記：楊文公為文所用古典，常令子姪檢其出處，每段用小片紙錄寫，綴粘所錄而參入之時，目為衲被，重重。陳后山詩：「語不驚人死不休。」唐駱賓王為文好用數目字，時號算博士。楊炯為文好以古人名點綴，時號點鬼簿。

謬帝作虎考正無訛孫敬勤渠曾說寫時編柳更生敏
 悟更聞校處燃黎牛角上英雄掛以一編驢肯前公子
 載之兩笈聖賢心蘊借還何妨用二瓶天地文章收貯
 還須分四庫匡衡說詩明朗多士解頤殷浩論易玄微
 有人箝口鍼膏盲發墨守起廢疾鄭康成別創一家言
 闡離騷誦鴻烈味南華盧子發互明諸子秘
 張華博物志云聖人制作曰經賢人著述曰傳抱
 朴子退隱之士以三墳為金五五典為琴箏講肆為
 鐘鼓百家為笙簧五禮謂吉禮凶禮軍禮賓禮嘉

禮六樂謂雲門大咸大韶大夏大濩大武三易
 夏日連山易商曰歸藏易周曰周易四詩謂風雅
 頌吳祐傳注古人寫書用竹簡其簡用火炙令汗
 出拭去其汗易書復不蠹故云汗簡麟臺藏書之
 所石渠天祿詳後宮室華嶠後漢書云東觀乃藏書之所
 學者或稱為老氏藏室道觀蓬萊郭林宗別傳云
 郭泰字林宗家有書五千卷歷覽之河南尹李膺一
 見大奇之遂相為友時號李郭晉張華好書籍嘗
 徙居載書三十乘凡天下奇秘世所未有悉在華所

時朝廷校書必向華家取證。華由是博學。人莫與京也。陸務觀既老。作書室。號書巢。漢書謂鄭康成爲經神。何休爲學海。魏王脩有書數百卷。甚愛之。不十日尋蠹剔之。蟬卽蠹也。蟬音事文類聚。陸文通家多書。未徙居。則其帙充棟。既徙居。其牛馬負之。皆汗。莊子桓公讀書於堂上。輪區斲輪於堂下。釋椎鑿而止。問曰。公之所讀者爲何言耶。公曰。聖人之言也。曰。聖人在乎。公曰。已死矣。曰。然則君所讀者。古人糟粕耳。抱朴子云。書誤寫。有以魚爲魯。以帝爲

虎。楚國先賢傳云。孫敬編柳簡以爲經本。晨夕誦習之。漢劉向校書天祿閣。夜有老人植青藜杖以進。曰。我太乙精也。聞叩金子好學。下而觀焉。於是次杖端。火照向讀書。唐李密以蒲羈乘牛。掛漢書一帙於角上。行且讀。楊素過而見之。大奇曰。此有志英雄也。後漢李固父郃爲司徒。固改易姓。驅驢子負書兩笈。遠從其師。集韻云。古人借書。餽酒一甌。還亦餽酒一甌。山谷云。不辭借我千卷。他日還君一甌。甌。酒器。後人以甌爲癡。遂謂借書一癡。還書一癡。夫

借書還書理也何癡之有瓶音。前四庫詳。漢匡衡
 字稚圭深明經術諸儒為之訾曰無說詩匡鼎來匡
 說詩解人願世說殷浩曾問遠公易以何為體遠
 公答曰易以感為體殷曰然則銅山西崩靈鐘東應
 便是易耶遠公笑而不答。漢鄭玄隱修經業時何
 休好公羊學遂著公羊墨守左氏膏肓穀梁廢疾玄
 乃發墨守鍼膏肓起廢疾休見而嘆曰康成人吾室
 操吾戈以伐我乎。盧子發曰吾案自經典外屈子
 離騷淮南子鴻烈莊子南華是吾平生受用家貨耳。

學術

思逐風雲氣薰蘭茝。倒翻滄海弄明月之驪珠橫絕銀
 河織天孫之雲錦雄力扛百斛之鼎肩拍莊騷英聲撞
 萬石之鐘汗流董賈筆下珠璣正聲諧韶濩而勁氣沮
 金石舌端河漢深謀賈江海而逸氣走風雷胸中應有
 萬卷書筆下故無一點俗繁露篇人人羨雅天憲賦士
 士稱奇陸之海潘之江萬頃詞源汎湧班之金賈之玉
 一時聲價騰高仲宣獨步於漢南筆翻秋露偉長擅名
 於青土藻揆春華張衡二京文灑灑然五經鼓吹沈光

洞庭賦冷冷乎一片宮商廟買壘短劉墻剛風獨奮薰
 班香摘宋艷雅韻孤鸞瑰奇萬狀翻江攬海起波濤機
 杆一家組霧經雲成錦繡才奇張祜時時口吻生花學
 美江淹夜夜筆毫綴采地負海涵之蘊貫串百家天清
 木止之辭批糠衆作帝謂琳琅散落至煩雷電之取將
 孰如琬琰編摩要與日月而爭耀精神滿腹雪車冰柱
 清高咳唾成篇陣馬風檣敏捷妙句如雲英才若雨仲
 長統揆藻翩翩巧思躍鳳逸句翔龍韓退之攄辭采采
 燕仙文苑雋歐陽公尚放出一頭真老藝林英朱夫子

且退還三舍不觀法言此何爲哉一見大巫當必索爾

杜詩調與金石諧思逐風雲上崔香草也靡燕別

名崔音齒韓退之別趙子娑娑海水南鯨弄明月

珠東坡韓文公廟碑其詞曰手抉雲漢分天章天

孫爲織雲錦裳韓愈贈張十八詩文章日娛戲金

石日擊撞龍文百斛鼎筆力可獨扛韓退之上于

相公書故其文章言語與事相伴烜赫若雷霆浩瀚

若江漢正聲諧韶濩勁氣沮金石李白上哥舒翰

天爲國家孕英才森森戈戟擁靈臺浩蕩深謀噴江

海縱橫逸氣走風雷。杜荀鶴詩筆下渾無俗胸中。騰有書。西京雜記董仲舒作繁露。南唐江文蔚作天窓賦云一竅初啟如鑿開混沌之時兩瓦齊飛。類化作鴛鴦之後人爭誦之。西晉傅贊曰機文似海。潘藻如江機謂陸機潘謂潘岳。論衡云永平中神雀集。孝明帝詔羣臣作頌百官頌皆比瓦石雜。固賈逵比之於金玉。陳思王與楊德祖書有云。宣獨步於漢南。孔璋鷹揚於河朔。偉長擅名於青土。公幹振藻於海隅。德璉發跡於北魏。足下高視於上。

京人人自諧握靈蛇之珠家家自謂抱荆山之璧。

孫綽重張衡左思賦。每云三都二京五經之鼓吹也。

張二京賦左三都賦北夢瑣言沈光有洞庭樂賦韋岫云此

賦泠泠可聽真一片宮商也。冷音賈壘數句詳英賢篇崔

祐甫文云文章峻如嵩華盛如江河清如秋風過物

藐不可逮現奇萬狀乃垂世文也。現音規北史祖

瑩以文學見重嘗語人云文章須自出機杼成一家

筋骨何能與人同生活。唐張祐為文時妻孥喚之

不磨妻責之祐曰吾方口吻生花奚恤汝輩耶。磨音英以

言對問又去聲義同六朝江淹夢筆毫生五采花自是文學
 大進李太白亦然韓退之樊宗師墓誌其富若生
 蓄萬物畢具海涵地負於恣縱橫無所統紀然不煩
 繩削而自合也藝文志云陳子昂之文如天清止
 水異人記唐王遠知善易作易總十五卷一日大
 雷雨雲霧中一老人此遠知曰所洩者書何在上帝
 命吾攝六丁神取之且曰上方禁文安得在爾處遠
 知跪白是青丘老人所授也梁蕭統文選序云琬
 琰編摩與日月俱明鬼神爭奧唐劉作冰柱雪

車二詩示韓愈愈以為出孟郊盧仝右李賀集陣
 馬風橋陣馬風橋聲勢也仲長統昌言云妙句如雲英才
 若雨必如此乃於文勢不窘耳卷李漢韓文序退之
 為文汗瀾卓踔淵滋澄深詭然如蛟龍翔蔚然如鸞
 鳳躍鏘然如鈞韶鳴日光玉潔千變萬態宋嘉祐
 二年歐陽公知貢舉試官梅聖俞得蘇軾刑賞忠厚
 之至論以示公公驚喜以為異人欲以冠多士疑門
 人曾子固所為乃寘第二選復以春秋對義居第一
 公曰老夫當避此出一頭地名賢集云真西山越

山新居成名其齊曰學易帖云坐看吳越兩山秀默
 梁義文千古心朱晦翁見之曰吾且當避此老三舍
 論衡楊雄作太玄法言張伯松不肯一觀莊子
 云小巫見大巫神氣殫矣
 魚文手獻卓犖賦
 昔雨必收此以然文裝不寧耳禁李冀韓文
 風辭言法風辭人吟吳越昌言云此何吹雲英木
 車詩示韓愈愈以爲出孟波盪全古李賢兼軋

學術二

言出口而妙天下文落紙而傳人間語帶烟霞芳蕤馥
 馥筆驚風雨清響鏗鏗撐腸五千卷石渠向腹內吞殘
 引紙數萬言灑灑自筆端瀉下懷連城佩明月掩奎婁
 光飲墜露食流霞絕烟火氣層巖峭壁雅堪聳斯世奇
 觀憂玉敲金允可振古人絕響穿天心而出月脇何等
 清新騎活馬而捉長蛇不勝活潑勿但謂韓陵一片石
 可共語且當知溫氏八叉手猶獨奇班固連珠襟懷落
 落不俗淮南鴻烈翰墨字字有香謝安石之碎金悉爲

奇物陸士衡之積玉總屬奇珍燕公謫後詩篇揮毫應
 得江山助孫綽山中詞賦擲地頻聞金石聲少室山集
 記最佳片箋片玉福先寺碑文可誦一字一縑李白才
 華腹內豈無腸是繡王珣學絕夢中應有筆如椽李長
 吉奴僕莊騷筆下無一點俗杜審言衙官屈宋胸中有
 萬卷書柔媚悅人徐摛宮體呈嬌態恢弘異眾歐公官
 樣壯奇觀孟東野之袖蘭益清益美王子安之腹藁愈
 出愈奇李太白吞莊吐騷咳唾翻成珠玉韓退之鞭撻
 捷馬精神驅退戈兵余始知舌有風雷筆有神人皆謂

前無著作後無述子美吟詩除瘡鬼何須妙劑金丹陳
 琳作檄愈頭風足當神鍼法灸遭逢泰運果然奪得錦
 標歸識破玄機誰許取將金薤去
 唐賈捐之字君房楊興曰君房下筆言語妙天下使
 爲尚書令勝五鹿充宗矣坡詩注郡都督曰諸人
 之文猶山無烟霞春無草木李白之文語帶烟霞句
 句動人杜子美寄李白詩云昔年有狂客號爾謫
 仙人筆落驚風雨詩成泣鬼神東坡詩撐腸拄腹
 文字五千卷學如富賈在兼收仰取俯拾無遺籌

唐李白為文每一引紙必數萬言。白嘗謂人曰：請日試萬言，倚馬可待。杜牧謂李賀之文，懷連城，佩明月，連城玉名，楚辭飲木蘭之墜露，神仙傳云：食流霞，飲沆瀣。李商隱謂元稹文：食流霞，飲墜露，絕無烟火氣。雞跡集李賀文體如層巖峭壁，萬仞崛起，人多效之。韓愈詩云：敲金戛玉千餘篇，膾吞炙嚼口傳。皇甫湜顧况集序云：逸歌長句，駿發踔厲，往往穿天心，出月脇，意外驚人語，非尋常所能及也。梁庚信至北方，文士多輕之，信以枯樹賦示，自後衆

稍服。時溫子昇作韓陵山寺碑，信讀之，謂人曰：惟有韓陵一片石，可共語其餘。驢鳴狗吠，聒耳而已。北夢瑣言：溫庭筠工賦，每入試作賦，八叉手而八韻成。撫言庭筠作賦，未嘗起草，一吟一韻，場中號溫八吟。班固連珠有云：公輸愛其斧，故能妙其巧。明主貴其士，故能成其治。是以良匠度其材，而成大廈。明主器其士，而成大功。西京雜記：淮南王劉安，與鴻烈二十一篇字中，皆挾風霜。晉陽秋云：桓公見謝安石作簡文，皇帝謚議，大嗟賞之。擲與坐上諸客曰：

此安石碎金也。晉陸機善爲文，張華謂人曰：機之文猶玄圃中積玉，無非夜光。唐書張說燕公晚謫岳州，詩亦悽惋，人謂其得江山之助。晉孫綽嘗作天台賦，詞致甚工，以示范榮期。期覽畢曰：卿誠擲也。當作金石之聲。唐李嶠善文，作少室山記，富瞻華美人謂片箋片玉。唐裴度爲相，修福先寺，欲請白居易作碑，文皇甫湜時爲判官，請曰：何近捨皇甫湜而遠取居易？裴謝之。湜飲以斗酒，揮筆而成，謂晉公曰：碑三千字，一字一縑，更少不得。唐李白送弟序。

嘗醉日語曰：弟心肝五臟皆錦繡，耶不然，向開口成文，揮毫霧散也。晉王珣爲桓溫椽，嘗夢人與大筆如椽，旣覺，曰：當有大手筆事。俄而武帝崩，凡諡冊誅命皆珣所草。杜牧李賀集序云：使賀未死，少加以理，雖奴僕命騷可也。杜審言曰：吾文可使屈宋作衙官。通鑑東海徐摛文體輕麗可愛，時人謂之宮體。歐陽公云：文章有兩等，有山林草野之文，有朝廷臺閣之文。王安國嘗謂余曰：文章須要官樣，豈亦謂有臺閣氣耶？孟東野詩：欲識楚章句，袖中蘭茝。

薰王勃字子安每屬文磨墨數升酣飲引被覆首而臥及寤援筆成章不易一字人號腹藁李太白詩咳唾落九天隨風生珠玉韓愈聯句窺奇摘海異恣韻激天鯨腸胃繞萬象精神驅五兵太句幹玄造高言軋霄呼舌有風雷筆有神東坡句唐文藝序陳子昂為感遇詩三十八章王適曰是必海內文宗此詩前無作者後無述者詩話昔有病瘡者子美曰吾詩可以療之病者問何詩子美曰子章髑髏血模糊手持擲還崔大夫又云更有昔日太宗卷

毛騷近日郭家獅子花其人誦之果愈曹操合陳琳草檄文琳呈上請操覽之操方病頭風臥讀琳所製起曰琳之檄愈我病也奪錦詳韓公詩云李杜文章在光焰萬丈長平生千萬篇金薤垂琳琅仙官勅六丁雷電下取將

太史公紕金匱石室之書。漢儒後殿。朱夫子演武夷洞。天之教。宋士前茅。九經庫名重當時。五總龜智周萬物。洗清慾垢。最嘉顏氏坐心齋。推倒面墻。更羨晁公寬服。界邢邵讀漢書。五日至頰年。默識未忘。邴原誦論語。一句自蚤歲。聰明乃爾。鄭玄之發墨守。創立規模。劉兆之作。調人。新生議論。宋生詩句。言言好。殿錦可爭。呂氏春秋。字字奇。市金誰得有疑。未決古事。還須問仲舒。最美可傳奇。才畢竟稱蕪子。

又中子傳心醉六經。皇甫湜退之墓誌云。茹古今。

今無有端涯。渾渾灑灑。不可窺校。及其酣放豪曲。快字凌紙。粟密窈眇。章妥句適。精能之至。入神出聖。嗚呼極矣。以道為飲。二句皮日休集。元禎集耕於其經。擣於其典。李賀作高軒過云。二十八宿羅心胸。高軒過。唐文粹。縱橫藝圃。馳驟詞垣。唐文粹。居文章籙。含濡於宋。艷班香。登道德藩。密邇於孔。墻顏巷。論衡云。劉歆字子駿。漢朝智囊。筆墨淵海。唐曹曾積書為倉。以貯古今書籍。時謂之曹氏書倉。

虞世南 詳文職 唐書李守素精於古典。凡古人姓氏無

不悉記士林號為李氏肉譜。晉杜預字元凱好讀左傳日玩味之不厭人稱為左氏癖。吳志呂蒙字子明初未知學孫權謂蒙宜學古以自開益後魯肅過蒙大驚曰卿非復吳下阿蒙蒙曰士別三日即當刮目相待。太史公自序云司馬遷為太史令紳金匱石室之書。軍後曰殿。武夷洞天據地輿志云三十六洞天也。朱晦翁讀書於此故云。儒林傳唐谷律那博通經術為世所重號九經庫又房暉遠博聞廣記學者稱為五經庫。唐殷踐猷博通經典賀

知章稱之曰五總龜為秘書省學士。龜千歲一息。問無不知。

呂文叔送劉戶曹詩學如元凱方成癖文似相如始類排獨立孔門無一事惟傳顏子得心齋。宋晁無咎云人有障蔽所見幾何若推倒面牆殊覺眼界寬耳。北齊邢邵性敏慧借友人漢書一部讀之未幾送還友人曰君不讀耶曰讀之矣友人口五日耳能盡遍乎及令誦之無一遺忘者。邴原別傳原蚤喪父家貧過鄰人學舍旁而泣師問故原曰欲讀書無束修併買書之貲耳師取以書命其就讀旬日聞已

讀論語孝經是在童齠之中已粲然與眾不同矣音配

觀毀齒也疑鄭玄許音逆知識也文章篇晉劉兆以春秋一經三家

殊塗諸儒是非之議紛然互為仇敵乃思三家之異

合而通之周禮有調人之官作春秋調人七萬餘言

宋之問龍門賦詩奪東方虬之錦詳前秦呂不

韋為相國作呂氏春秋暴之咸陽市懸千金其上曰

有能增減一字者子之竟無能者世說補齊濟善

知今事高仲舒善知古事姚崇每語此二人嘗曰欲

知古事問仲舒欲知今事問齊濟齊濟字洗心官吏部侍郎高獻字仲

舒官中書舍人

宋書蘇軾號東坡哲宗召見便殿太后亦

在謂曰尤帝每讀卿文章必曰奇才奇才因命坐賜

茶夜歸徹御前金蓮炬送歸院傳燈杜預之解武庫

五兵何所不全見錯之號智囊萬有盡歸總括博學立

異物茂先乃是真聰識三教亡書安世最為遠養五行

祭一目應奉猶奇十通誦萬言破也益敏張憑之滿滿

言辭無非理竊裴頠之翩翩議論恰是談林筆隗是

相經史是良田揚子行之富產道德為身孝仁義為德

音逆也。知謀也。文章篇。晉劉兆以春秋一經三家殊塗。請儒是井之義。紛然互為仇敵。乃思三家之異。

合而通之。周禮有調人之官。作春秋調人七萬餘言。

宋之間龍賦。蘇軾奪東方。亂之錦。詳前。奉呂不

韋為相國。作呂氏春秋。暴之盛陽。巾懸千金。其上曰。

茶。好。識。辯。辨。金。世。說。補。齊。濟。善。

許。謂。曰。六。帝。我。龍。眼。文。章。必。曰。清。木。肯。木。因。命。坐。顯。

書。舍。人。問。宋。青。燕。神。謝。東。地。詳。宋。許。景。則。魏。太。武。位。

伎藝

道航聖濱學冠儒紳。濬濂溪之源。浚象山之流。會心證。

印尋考亭之支。紹南豐之派。交手傅燈。杜預之稱武庫。

五兵何所不全。晁錯之號智囊。萬有盡歸。總括博羣。方。

異物茂先。乃是真聰。識三篋亡書。安世最為遠養。五行。

叅一目。應奉猶奇。十過誦萬言。敬忠益敏。張憑之洒洒。

言辭無非理。竊裴頠之翩翩。議論恰是談林。筆颯是表。

相經史是良田。楊子行之富產。道德為弓弩。仁義為鎧。

甲士逸少之詞鋒。司馬遷藝林。數雋馳騁古今。貫穿經。

傳○辛○德○源○學○圃○推○英○枕○籍○六○經○漁○獵○百○氏○講○易○舌○生○風○
 五○鹿○被○朱○生○折○角○說○詩○喉○吐○藻○諸○生○因○匡○老○解○顧○戴○憑○
 奪○公○卿○之○席○誰○不○讓○才○蔡○邕○送○士○子○之○書○自○當○遜○美○家○
 傳○妙○學○人○人○羨○王○氏○青○箱○夢○授○真○符○士○士○慕○韓○公○丹○篆○
 杜○拾○遺○固○真○名○筆○王○摩詰○乃○大○作○家○是○誰○吞○易○三○爻○出○
 新○議○於○王○弼○鄭○玄○之○外○有○客○集○書○十○卷○進○古○文○於○李○翱○
 韓○愈○之○間○王○璘○日○試○萬○言○特○樹○儒○林○赤○幟○安○道○旬○閱○三○
 史○長○驅○翰○苑○青○驄○廣○資○識○見○王○充○從○市○廛○上○閱○書○益○大○
 胸○襟○李○邕○自○秘○省○中○校○籍○茲○豈○是○學○慚○鼠○獄○所○見○卑○卑○

亦○未○為○智○乏○雞○碑○其○才○謏○謏○讀○書○千○萬○卷○正○堪○笑○他○人○
 沒○字○之○碑○竊○句○二○三○言○何○不○耻○自○已○無○源○之○水○
 杜○甫○詩○妙○學○冠○儒○紳○濂○溪○周○茂○叔○象○山○陸○九○淵○考○
 亭○朱○紫○陽○南○豐○曾○子○固○武庫名囊 供詳英賢晉○張○華○字○茂○
 先○讀○書○三○十○乘○周○知○事○物○作○博○物○志○四○百○卷○武○帝○以○
 為○繁○乃○總○為○十○卷○漢○書○張○安○世○字○子○孺○武○帝○幸○河○
 東○亡○書○三○篋○詔○問○羣○臣○俱○莫○能○知○惟○張○安○世○識○之○具○
 補○其○事○後○帝○得○書○以○校○並○無○所○遺○失○上○奇○其○才○擢○為○
 尚○書○令○後○漢○書○應○奉○字○世○叔○少○聰○明○自○為○兒○童○及○

長凡所經履莫不暗記讀書五行並下唐開元中
 常敬忠十五歲上書言能一過誦千言張燕公問曰
 能十過誦萬言乎曰能以萬字試之七遍已通熟矣
 晉張憑舉孝廉詣劉真長真長與之言談稱爲理
 窟世說裴僕射善談論時人聽之無倦號談林
 漢楊政字子行嘗語人曰吾無厚產惟經史爲田筆
 視爲末耜耳後爲侍中善說經京師人語曰說經鏗
 鏗楊子行司馬遷贊詳前英賢北史辛德源字孝基劉逖
 薦之曰德源枕籍六經漁獵百氏勅下除散騎侍郎

漢元帝朝五鹿充宗爲梁丘易帝令其與諸易家
 講論充宗承貴下口諸儒莫能抗皆稱疾不敢會有
 薦朱雲者雲入論難連挂五鹿君故諸儒爲之語曰
 五鹿嶽嶽木雲折其角匡衡說詩詳文章篇後漢書戴憑
 舉明經爲侍中正且百官朝賀帝令羣臣說經問難
 義有不通者輒奪其席以益通者憑遂重坐五十餘
 席漢史王粲借書於蔡邕邕以書一車送之謂人
 曰此公有異才吾故云爾南史王彪之字叔武導
 從子博聞多識練悉朝儀自是世請江左舊事緘之

青箱時謂王氏青箱學。事文類聚韓退之嘗夢人
 與一丹篆吞之。有一人在旁撫掌而笑。公自是才思
 日進。後遇孟郊乃撫掌而笑者。文士傳云李白杜
 甫二人以文學相頡頏。當時稱曰李杜。且曰李杜真
 名筆也。唐書王維為博士嘗為人作文有送潤筆
 資者。誤詣僚友署中。僚友指引之曰。大作家在那邊。
 虞翻別錄翻嘗夢一道士布易爻。撓其三以飲。翻
 辭乞盡吞之。道士曰。易道在天。三爻足矣。鄭玄王弼
 深明易道
 者。宋權邦彥字朝美為集十卷。楊誠齋見而重之。

曰韓愈李翱莫過也。唐王璘長沙人嘗日試萬言。
 一日遇李羣玉問何人。璘曰。日試萬言。王璘羣玉曰。
 與君聯句可乎。遂云。芍藥花開菩薩面。璘即云。櫻爛
 髮散夜叉頭。蘇東坡撰張安道墓誌安道家貧無
 書。從人請三史。旬日輒歸之。曰。得其詳矣。後漢王
 充家貧無書。嘗遊洛陽市肆。閱所賣之書。一覽即記
 憶。唐李邕自言讀書未徧。見李嶠願直秘書。嶠曰。
 秘書萬卷。豈時日習耶。固請未幾辭去。悉得其大畧。
 去口錄丁用晦云。學慚鼠獄。智乏雞碑。鼠獄張

湯○切○時○鼠○盜○肉○掘○得○鼠○及○餘○肉○劾○鼠○治○訊○按○罪○具○獄○
 父○視○之○文○詞○峭○厲○如○老○吏○斷○獄○乃○大○驚○雞○禪○裴○度○
 平○淮○得○一○碑○有○云○雞○未○肥○酒○未○熟○解○者○謂○雞○未○肥○肥○
 字○去○月○字○已○字○也○酒○未○熟○酒○字○去○點○水○酉○字○也○後○吳○
 元○濟○果○以○已○酉○日○就○擒○五○代○任○園○曰○雀○協○不○識○文○
 字○虛○有○儀○表○號○汲○字○碑○趙○崇○標○質○堂○堂○而○不○學○人○
 亦○號○為○無○字○碑○南○史○王○筠○嘗○語○人○云○今○之○作○文○者○
 竊○人○二○三○句○奏○撮○其○篇○此○無○源○之○水○也○能○無○涸○乎○

仕進

文○草○俄○成○榜○花○欲○列○三○條○燭○盡○燒○殘○舉○子○之○心○七○藝○篇○
 成○驚○破○試○官○之○胆○風○魔○漢○須○忤○官○監○忠○孝○人○必○中○狀○元○
 滿○城○桃○李○屬○春○官○萬○里○雲○程○通○月○府○馬○蹄○蹶○蹶○看○長○安○
 一○日○之○花○龍○角○崢○嶸○奮○禹○穴○三○層○之○浪○紫○泥○金○遙○傳○喜○
 捷○紅○綾○餅○已○飽○天○厨○名○姓○得○異○符○金○甲○斫○夢○中○之○首○文○
 章○入○玄○格○朱○衣○點○暗○裏○之○頭○御○殿○簪○花○溫○公○以○表○君○賜○
 瓊○林○赴○宴○宋○白○因○沐○聖○恩○鳳○鸞○之○翅○聯○飛○濟○濟○同○年○兄○
 弟○杞○梓○之○材○互○川○紛○紛○入○毅○英○雄○歐○公○重○劉○子○文○章○范○

質傳和凝衣鉢科名不愧勿論盧後王前政績宏施當
 效郭南韓北南陽逢召父遺愛猶存東海得千公寃民
 盡釋叔度來何暮先聲宣蜀郡之西何武去見思遺愛
 滿淮堰之左細民呼舞秀麥兩岐巨姓服馴拔薤一本
 法外仁視民猶子嚴中恕化賊為民花落訟庭開草生
 公府靜士頌刑寬更從冰上立人在鏡中行民歌政善
 黃河如帶山如礪茅土膺封明月比珠霞比綃珍奇錫
 賞田千秋一句至宰相寵渥恩深張柬之即日拜平章
 齒高德重無能名永立何須悔讀南華有志事竟成尚

必力磨鉄硯

南部新書唐太中年間禮部放榜取姓氏稀僻者間
 之曰榜花唐制舉子試日既暮給燭主文權德輿
 戲之云三條燭盡燒殘舉子之心七藝篇成驚破試
 官之胆唐劉蕡楊嗣復門生也所對策直忤宦官
 中尉仇士良謂嗣復曰君奈何以國家科第付此風
 魔漢平嗣復懼竟黜蕡使下第宋神宗慎於選士
 焚香祝日願得忠孝狀元及唱名乃鄭獬也獬為人
 素忠孝故首薦云唐孟郊下第作詩云一夕九起

嗟○夢○魂○不○到○家○兩○度○長○安○陌○空○將○淚○漬○花○後○及○第○作
 詩○云○昔○日○齷○齷○不○足○嗟○今○朝○曠○蕩○思○無○涯○春○風○得○意
 馬○蹄○疾○一○日○看○遍○長○安○花○陳○元○老○及○第○詩○桃○花○先
 透○三○層○浪○月○桂○高○攀○第○一○枝○盧○氏○雜○記○唐○進○士○及
 第○以○泥○金○帖○字○附○家○書○為○報○謂○之○喜○信○唐○僖○宗○幸
 南○內○興○慶○池○泛○舟○方○食○餅○餽○進○士○在○曲○江○有○聞○喜○宴
 上○命○御○厨○依○人○數○各○賜○紅○綾○餅○餽○所○司○以○金○合○進○上
 命○中○官○馳○以○賜○故○徐○演○詩○云○莫○欺○老○缺○殘○牙○齒○曾○喫
 紅○綾○餅○餽○來○青○箱○雜○記○宋○劉○沆○赴○省○試○一○夕○夢○金

甲○神○斫○落○其○頭○有○士○解○曰○斫○落○頭○留○項○在○蓋○南○音○呼
 沆○為○項○果○及○第○歐○陽○公○知○貢○舉○每○闕○試○卷○覺○旁○有
 一○朱○衣○人○點○頭○然○後○入○格○及○回○視○無○所○見○因○語○同○列
 而○三○嘆○嘗○有○句○云○文○章○自○古○無○憑○據○惟○願○朱○衣○一○點
 頭○又○詩○云○青○夜○夢○中○糊○眼○處○朱○衣○暗○裏○點○頭○時○宋
 制○每○宴○進○士○必○簪○花○溫○公○二○十○登○科○獨○不○肯○簪○花○同
 年○曰○君○賜○不○可○違○乃○為○簪○一○花○宋○太○平○興○國○八○年
 宋○白○等○並○賜○及○第○賜○宴○始○就○瓊○林○苑○後○遂○為○定○制○
 楊○思○復○文○集○序○貞○元○中○權○公○德○輿○奉○詔○考○定○賢○良○草

澤之士擢進士第者七十二人。鸞鳳杞梓舉集於權公之門云。曹業卽席呈同年詩云：自疑孤飛鳥，得接鸞鳳翅。永懷共濟心，莫起胡越志。撫言唐太宗貞觀中，私幸端門，見進士綴行而出，喜曰：天下英雄盡入吾彀中矣。時人語曰：太宗皇帝真長策，賺得英雄盡白頭。筆談：歐公主文衡，嫌舉子劉幾爲文險怪黜之。及後試堯舜性之賦，有云：靜而延年，獨高五帝之壽；動而有勇，形爲四暴之誅。公大稱賞，擢第一。始知劉幾易名劉輝也。邵氏聞見錄：范質舉進士。

王文和凝愛其才，以第十三登第，謂質曰：君文宦冠多士，屈居十三者，欲君傳老夫衣鉢。未幾和入相，後質亦拜相，有詩云：從此廟堂添故事，登庸衣鉢亦相傳。王楊盧駱號唐時四傑，楊炯嘗曰：吾耻居王後，愧在盧前。王勃盧照隣駱賓王郭禹爲荆南守，兵荒之餘，集凋殘韓建爲華州刺史，亦招撫流散，民富軍贍，人謂之北韓。南郭漢召信臣，字翁卿，爲南陽太守，與利除害，吏民信懷，號爲召父。後杜詩：字君公亦爲南陽守，性節儉而政治清。平南陽人爲之語曰：前有召

父○後○有○杜○母○漢○于○定○國○字○曼○倩○為○廷○尉○決○疑○平○法○
 加○審○慎○之○心○朝○廷○稱○之○曰○張○釋○之○為○廷○尉○天○下○無○冤○
 民○于○定○國○為○廷○尉○民○自○以○不○冤○漢○廉○范○字○叔○度○治○
 成○都○民○歌○曰○廉○叔○度○來○何○暮○不○禁○火○民○安○作○昔○無○襦○
 今○五○袴○後○漢○何○武○傳○武○治○淮○南○所○居○無○赫○赫○名○去○
 後○常○見○思○張堪麥秀 詳穀食篇後漢龐參守漢陽郡到任
 先○候○高○士○任○棠○棠○以○水○一○盂○薤○一○本○置○屏○前○目○抱○小○
 兒○當○戶○立○參○思○曰○水○欲○吾○清○也○拔○薤○欲○吾○擊○强○宗○也○
 抱○兒○當○戶○二○欲○吾○開○戶○恤○孤○也○宋○書○李○順○據○成○都○

王○繼○恩○討○平○之○時○張○詠○為○成○都○守○繼○恩○送○賊○黨○使○賊○
 詠○悉○放○之○謂○繼○恩○曰○李○順○脅○民○為○賊○吾○等○化○賊○為○民○
 何○乃○不○可○乎○草○生○公○府○靜○花○落○訟○庭○閒○杜○送○劉○使○
 君○詩○宋○人○上○鳥○臺○詩○抱○案○吏○從○冰○上○立○訴○冤○人○在○
 鏡○中○行○史○記○功○臣○表○序○封○爵○之○誓○曰○使○黃○河○如○帶○
 泰○山○如○礪○國○以○永○寧○爰○及○苗○裔○漢○書○賜○功○臣○詔○云○
 明○月○之○珠○赤○霞○之○綃○用○酬○爾○功○云○前○漢○田○千秋○傳○
 千○秋○以○一○言○寤○帝○意○旬○月○間○取○宰相○封○侯○唐○書○張○
 柬○之○為○洛○州○司○馬○姚○崇○薦○之○曰○其○人○老○惟○亟○用○之○武○

后即日名拜平章。唐令狐綯以舊事訪於溫庭筠。庭筠對曰：事出南華，非僻語也。冀相公燮理之暇，特宜覽古綯怒。素庭筠有才無行，不許登第。庭筠詩云：須知此恨人多積，悔讀南華第二篇。漢光武車駕至臨淄，勞軍帝謂耿弇曰：昔韓信破歷下以開基，今將軍攻祝阿以發迹，此皆齊之西界，功足相方。將軍前在南陽，建此大策，常以為落落難合，有志者事竟成也。宋桑維翰下第，或令其改業，維翰籌鐵硯以示人曰：硯穿則改他業，卒以進士及第。

富貴

富極萬鍾貴，階一品澹然楊素。嘗云：嫌以逼臣，智矣。陶朱更爾恃其敵國，石氏一門并萬石，何等尊榮。王家同日封五侯，不勝烜赫。金張許史，懾人權勢，可寒心。魯紹環蒙炙我威炎，能熱手。李牛多其錫，賚金玉，叠重牢石。濫以寵榮，印綬纍若家聲，光譜系人爭羨。唐室八蕭相業，絳箕裘誰不稱。宋朝三呂子，饑佳士。歷二十四考中書，馮道何人作。三四五朝宰相，冠蓋里中。瞻望族車從紛紛，梧桐樹底識名家。簪紳奕奕，洪氏子文場。戰罷滿

堂○懸○捷○報○之○牌○雀○家○人○金○關○歸○來○一○榻○置○朝○天○之○笏○勿
謂○貴○而○可○數○且○言○富有足多李愷彌野外膏腴乃稱地
癖○蕭○宏○滿○庫○中○赤○仄○悉○是○錢○愚○愛○田○宜○目○多○田○翁○吝○錢
當○作○守○錢○虜○佳○殺○錯○雜○郇○公○嘗○列○珍○厨○異○寶○充○盈○王○氏
却○云○富○窟○鍾○乳○三○千○兩○元○載○豪○華○金○釵○十○二○行○田○文○富
盛○董○卓○積○寶○郁○中○壓○殘○金○塢○鄧○通○布○錢○天○下○鑄○盡○銅○山
王○武○子○錢○瑀○馬○何○幸○而○享○榮○華○錢○粵○王○錦○林○樹○有○緣○而
增○光○采○牙○牆○錦○纜○脩○場○增○遠○消○之○奇○玉○鳳○金○龍○元○保○侈
華○堂○之○勝○象○牙○牀○魚○生○太○侈○火○浣○布○石○氏○何○多○婦○乳○飲

純○畜○類○翻○成○人○類○兒○口○承○唾○用○僅○充○作○用○壺○笙○歌○歸○院
落○燈○火○下○樓○臺○每○屬○繁○華○之○輩○真○珠○落○臂○韝○百○寶○粧○腰
帶○悉○歸○豪○靡○之○家○南○路○徐○北○路○魚○熏○天○勢○焰○王○家○絲○百
家○錦○駁○道○輝○煌○
史○記○范○蠡○浮○海○變○姓○名○止○於○陶○致○資○巨○萬○天○下○稱○陶
朱○公○楊素詳前恬淡萬石詳前倫行漢成帝封其舅王譚王商
王○根○王○立○王○逢○時○俱○同○日○為○侯○時○謂○王○氏○五○侯○漢
金○日○磬○子○金○倫○贊○曰○篤○敬○寤○主○忠○信○自○著○世○名○忠○孝
七○世○內○侍○張○湯○傳○贊○曰○張○氏○子○孫○相○繼○自○宣○元○以

富貴 三

來為侍中中常侍者凡十餘人。功臣之後。惟有金氏。張氏親近貴寵。比於外戚。漢書云。許嘉為大司馬車騎將軍。漢書云。史丹男九人。皆以丹仕為侍中。自宣元成哀外戚興者。許史二王丁傅之家。皆重侯累將。窮富極貴。唐崔鉉進僕射。與鄭魯楊綰段復環薛蒙頗叅議論。時人語曰。鄭楊段薛炙手可熱。欲得命。通魯紹環蒙。李牛謂林甫。僧孺也。皆唐時相。玄宗愛之。頗有錫賚。漢元帝時。石顯與中書僕射。牢梁少府五鹿充宗。結為黨友。共擅威權。附者得位。

民歌之曰。牢耶石耶。五鹿客耶。印何纍纍。綬何若若。耶。唐書。蕭氏興江左。實有功在民。厥後無大惡。以復微而亡。故餘社及其後裔。自瑀及邁。凡八葉宰相。名德相望。與唐盛衰。世家之盛。古未有也。三呂謂呂蒙正。呂夷簡。呂公著。皆為不之名相。唐書。郭子儀身任安危者四十年。校中書令。二十四考。其富貴壽考。哀榮終始。人臣之道。無缺焉。五代史。馮道為相。歷梁唐晉漢周凡五世。襄陽者。舊傳襄陽郡。峴山南至宜城百餘里。其間縉紳。迭出。漢宣帝時。有卿

士及刺史二千石凡數十人。刺史行部見之。號冠蓋里。朱韓子華兄弟皆為相。人呼子華為二相公。持國為五相公。其所居第有梧桐樹。京師稱桐木韓家。趙宋三洪子孫昌盛。試文場日俱中選。主司贈之以聯云：捷報滿堂何用畫，詩書盈架不須書。唐書：崔儼為諫議大夫，琳為相，弟珪太子詹事，瑒光祿卿。其列榮載其餘冠蓋濟濟，每朝罷以一榻置笏，猶重。唐李澄愛殖產業，伊州有膏腴，白都至閤口田疇。彌望時號為地癖。梁武帝弟蕭宏愛錢百萬一聚。

黃榜標之千萬一庫，樹一紫標如此三十餘間。武帝見之計錢三億餘萬。武帝少子綜作錢馬論以譏之。晉和嶠家至高，其性至吝，一文不妄費，人目為錢癖。多田翁守錢，虜詳人品篇。世說補：唐韋陟封郿公，性好奢，靡厨中飲食香味錯雜，人入其中多飽飲而歸。時人為之語曰：人欲不飯，筋骨舒黃綠，須入郿公厨。唐正元寶金玉充塞室中，時號富窟。唐元載為相，貪穢及獲罪，有司籍其家，鍾乳三千兩，胡椒八百斛，其他物不可勝紀。史記：孟嘗君金釵十二行。魏志

董卓築郿塢高與長安城埒積黃金數十萬於中人
 謂之金塢漢鄧通見寵於文帝相者曰通當餓死
 帝曰富通者在我乃賜通蜀之銅山使通得自鑄錢
 鄧氏錢通天下晉王武子移地北邙買地作養馬
 之埒編錢滿地時號為金埒後唐書錢鏐既為吳
 越王其所居之城標以錦絲名衣錦城其山皆覆以
 錦號錦林號其幼所戲大木曰衣錦將軍隋煬帝
 遊戲湖中造龍舟二十餘丈以牙為櫂錦為帆及纜
 照耀於湖之上下晉王元保性奢侈其所居窻戶

雕以玉鳳銜鈴金龍吐旆且曰石崇庶姓猶畫卵雕
 薪元保豈泯泯者哉梁魚容性侈靡以象牙造牀
 周匝鏤金蓮花以琥珀龜負牀脚晉惠帝外國進
 火浣布帝為衫服之以為天下希有幸石崇家崇奴
 隸皆衣火浣衫祇事帝帝大慚世說晉武帝嘗降
 王武子家武子供饌並用琉璃器婢子百餘人皆綾
 羅綺襪以手擎飲食烝飴甚美異於常味帝怪而問
 之答曰以人乳飲純帝甚不平食未畢便去晉符
 堅從兄朗初過江常與朝士燕時賢並用唾盃朗惟

使小兒跪而開口受客唾而含出之。笙歌歸院落。
 白樂天詩。百寶粧腰帶。杜子美詩。唐書徐君舊。
 為湘東王諮議參軍。侍妾數十。皆佩金玉。衣羅綺。時。
 魚弘亦以豪侈見稱。於是府中語曰。北路魚南路徐。
 晉石崇王愷並以奢侈相高。愷以餽沃釜崇以蠟。
 代薪愷作紫絲步障四十里崇作錦絲步障五十里。
 以敵之。

貧賤

動履多艱。評言無味。室同懸磬。頓增魯國之憂。地乏立。
 錐。適動香巖之感。午炊晨食。聊度年荒。夏典春衫。僅資。
 日用。居無輪奐。士居委巷。蕭為門食。乏膏腴。人在首山。
 薇當粟。不爨井晨凍。無衣床夜寒。言可銷魂。強歌聲無。
 歡食。藿腸亦苦。事皆落魄。晚年登而妻孥泣。餒冬煖而兒。
 輩號寒。多病而故人致疎。不才而明主竟棄。囊空羞。誰。
 阮孚。惟有一錢。看室敞空。虛司馬止留四壁。在捉衿肘。
 見。曾參困抑。無聊踏雪履穿。曼倩貧寒。自若寒肌起粟。

經宵只臥牛衣餓眼生花終日朱燒土鏗蓬門蒿室原
思樂以忘憂囊牖繩樞陳涉憤然崛起灌嬰販繒爲業
豈意封侯公孫牧豕營身寧思相位朱桃椎擲還鹿幘
自知命本合窮蘓季子破損貂裘誰意道之難泰姜子
牙運途蹇剝賣漿更值天涼劉伯龍廬舍蕭條營利竟
遭鬼笑郭泰欲爲斗筲役無可奈何班超更作書寫傭
不得已爾苦矣衛青作牧牛背後受主鞭笞惜哉爨布
爲奴馬頭前代人奔走此固知虞卿愁處尚可著書更
須識季路傷時無能爲禮雄遂貧賦人謂其逐之何

遲韓愈送窮文我怪其送之不蚤

左傳齊侯伐魯魯使展僖驪師齊侯問曰魯人恐乎
對曰小人恐矣君子則否齊侯曰室如懸磬野無青
草何恃而不恐對曰恃先王之命秦孝公壞井田
開阡陌故民得買賣富者田連阡陌貧者無立錫之
地所附田間道也香巖禪師曰去年貧未是貧今年貧始
是貧去年貧無卓錫之地今年貧錫也無卓卓立
唐貧士詩近昏炊午爨未夏典春衫漢陳平傳平
居萎巷以席爲門門外多長者車轍不爨井晨凍

唐人居貧之詩。孟郊贈別崔純孝云：食蠶腸亦苦，強歌聲無歡。出門卽有礙，誰謂天地寬。韓文冬煖而兒號寒，年登而妻啼饑。唐書王維入直秘省，孟浩然隨而入，忽玄宗駕幸，浩然匿床下，維以實對。上召見，命誦其生平所作之詩，有不才明主棄，多病故人疎之語。上曰：卿不求仕，朕實未嘗棄卿也。晉阮孚持一阜囊遊會稽，囊中但有一錢，杜詩云：囊中恐羞澁，留得一錢看。漢司馬相如字長卿，臨邛富人卓王孫女文君新寡，相如以琴心挑之，文君夜亡奔。

相如與馳歸成都家，徒四壁立。文君不樂，因與復之。臨邛賣酒，文君當爐。莊子曾子居衛，捉衿而肘見，納履而踵決，曳縱而歌，商頌聲滿天地，若出金石。東郭先生居貧，行雪中履有上無下，著地處皆足跡。後漢王章家貧，冬寒無被，與其妻臥牛衣中相對而涕泣，後為京兆尹，欲上封事，妻止之曰：獨不念牛衣中涕泣時耶？牛衣蓋編草為之，所以覆牛者。漢王褒傳：褒家貧，土銼經日無炊，土銼瓦鍋，蜀人呼釜為銼。家語：原憲居貧，端木賜結駟連騎以從，原憲憲居蓬蒿中。

并日而食子貢曰甚矣子之病也。憲曰：無財者謂之貧，學道不能行謂之病。若憲貧也，非病也。子貢有愧色。賈誼過秦論云：陳涉囊扁繩樞之子，材能不及中庸。漢書灌嬰本販繒之徒，佐高祖定天下，封列侯。漢書公孫弘為丞相，封平津侯，起於牧豕。事文類聚：唐朱桃椎，弊衣帶索，長史竇軌遺以鹿脯，朱委之地，不服，曰：命合窮耳。夏則袒，冬則緝木葉以自蔽。髮有中史記李兌遺燕秦黑貂裘一領，秦入秦不遇而歸，黑貂裘敝，纍纍然如喪家狗。史記：姜子

牙少貧，宴賣漿而值天涼，屠牛賣肉而值天熱。南史：宋劉伯龍歷位九卿郡守，貧窶尤甚，嘗在家將營什一之利，一鬼在旁撫掌大笑，伯龍乃歎曰：貧窮固有命，乃復為鬼所笑，遂止。漢書郭泰世貧賤，蚤孤，母欲使給事縣廷，林宗曰：大丈夫寧能處此斗筲役乎？漢書班超有大志，家貧為人寫屯田冊籍，久勞苦，投筆歎曰：大丈夫當效傅介子、張騫立功異域，以取封侯，安能久事筆硯間乎？後平伏西域，封定遠侯。傅介子、張騫俱漢武帝臣，出使立功者。漢書衛青少孤，貧為人牧牛。

貧賤

相者曰善自勉後當封侯。青曰為人奴得免於笞辱足矣。武帝朝果拜為大將軍。漢書樂布窮困傭於齊為酒家保數歲為人所掠賣為奴於燕。史記虞卿窮愁著書。檀弓子路曰傷哉貧也。生無以為養死無以為禮也。楊子逐貧賦中有云舍爾遠竄崑崙之巔爾復我隨。翰飛戾天舍爾登山巖穴隱藏爾復我隨。陟彼高岡舍爾入海汎彼柏舟爾復我隨。載沉載浮我行爾動我靜爾休豈無他人從我何求今汝去矣勿復久留。

韓愈送高閑上人序

薦拔

縑衣好賢華袞褒士轉移風俗。山子以一字拔人。張主人才中行以眾人待我。竹頭木屑並遊斧斤之場。馬渤牛溲互入刀圭之選。周姬公擢英賢八百輩。大開寒峻之途。趙文子舉管庫七十家。一洗炎涼之俗。發揮善類。桃李在狄相之門。收拾真才。騏驥歸富公之廐。帝室瑰寶清廟。偉器得陸雲。一疏張瞻。便作奇人。楚和秘耀。魯璠遺英。有玉鑿片言。馮訪乃為雅士。寇恂文武備足。更煩鄧禹之闡揚。貨循才鑒。清高尚藉。陸機之表暴。王戎

簡○要○裴○楷○清○通○鍾○士○季○可○謂○公○評○伏○龍○奇○才○鳳○雛○逸○品○
徐○元○直○儘○稱○藻○鑑○狄○梁○公○藥○籠○俊○又○充○盈○呂○文○穆○夾○囊○
賢○才○拍○塞○不○避○親○不○避○讐○公○論○一○持○於○正○範○世○清○規○毋○
挾○長○毋○挾○貴○尊○賢○悉○去○其○驕○鑄○人○妙○學○左○雄○須○居○喉○舌○
虞○詡○之○論○士○何○私○慶○忌○宜○在○爪○牙○何○武○之○品○人○惟○當○建○
感○項○顛○秦○之○畧○韓○信○尚○賴○於○蕭○何○辨○受○金○盜○嫂○之○誣○陳○
平○更○須○於○魏○倩○趙○鞅○之○思○周○舍○乃○云○一○狐○愈○於○千○羊○孔○
融○之○薦○彌○衡○所○謂○百○鳥○不○如○一○鶚○居○別○駕○差○展○驥○足○龐○
士○元○幸○來○諸○葛○之○褒○為○太○常○必○用○鳳○毛○成○公○綏○喜○得○張○

華○之○譽○管○夷○吾○不○逢○鮑○子○必○死○於○齊○國○俘○囚○習○鑿○齒○既○
遇○桓○公○不○老○於○荆○州○從○事○裴○珀○細○陳○筆○札○紙○上○春○風○謝○
眺○不○惜○齒○牙○舌○端○甘○雨○遠○取○居○易○近○捨○皇○甫○竊○知○裴○相○
之○不○然○朝○拔○溫○造○暮○羅○石○洪○須○謂○烏○公○之○有○禮○說○項○斯○
之○詩○於○到○處○和○氣○游○揚○吹○楊○雄○之○賦○以○上○天○春○風○充○溢○
緇○衣○好○賢○之○詩○孔○作○春○秋○一○字○之○褒○榮○於○華○衮○
晉○書○蔡○克○字○子○尼○未○仕○時○山○簡○與○王○衍○書○曰○蔡○子○尼○
今○之○正○人○衍○以○書○示○於○衆○曰○山○子○以○一○字○拔○人○戰○
國○策○豫○讓○曰○士○為○知○已○者○死○女○為○悅○已○者○容○中○行○氏○

以衆人遇臣臣故衆人報之智伯以國士遇臣臣故國士報之韓文大木爲杗細木爲桷各得其宜施以成室者匠氏之工也牛溲馬渤敗鼓之皮兼收並蓄待用無遺者醫師之良也登明選公雜進巧拙較短量長惟器是適者宰相之方也禮記周公一飯三吐哺一沐三握髮以待賢士擢賢士登庸者八百餘人禮記趙文子所舉於晉國管庫之士凡七十有餘家通鑑武后朝狄仁傑爲相薦張柬之有宰相才武后用爲相又薦姚元崇寺數十人俱爲名臣

或曰天下桃李悉在公門言行錄富公弼薦知名之士如王質與其弟素余靖張環石介孫復吳本韓維陳褒王鼎張顯之陳希亮諸人謂孫陽之廐皆上乘驥也晉陸雲薦張瞻文云帝室之瑰寶清廟之彝器王鑒薦丹陽馮訪云魯番之遺英楚和之秘驪後漢光武南定河內而朱鮪等盛兵據洛陽又并州未安光武難其守問於鄧禹禹對曰寇恂文武備足有牧民禦衆之才非此子不可使也晉書賀循字彥先著作郎陸機上疏薦之伏見武康令賀循

者德量遠茂才鑒清高武帝擢為秘書郎晉書武帝朝吏部郎闕帝問其人於鍾會會曰王戎簡要裴楷濤通皆其選也會字季鍾蜀志徐庶謂先主曰伏龍鳳雛當代佳士得一可安天下唐書元澹字行冲嘗謂狄仁傑曰下之事上譬之富家貯積以自資也脯腊膜胰以供滋膳參朮芝桂以防痰疾門下充旨味者多矣願以小人備一藥石可乎仁傑笑曰君正吾藥籠中物不可一日無也呂蒙正夾袋中存冊子每四方有人謁見必問有何人才客去即識之

朝廷求賢取之囊中以對呂氏春秋晉平公問於祁黃羊曰南陽無令誰可為之對曰解狐可平公曰解狐非子之讐耶對曰君問可非問臣之讐也平公遂用之國人曰善既而平公又問黃羊曰國無尉誰可為對曰午也可公曰午非子之子耶對曰君問可非問臣之子也平公用之國人亦曰善左雄事見文職篇漢辛慶忌為光祿寺丞何武上封事云將不煩設則無以應卒若慶忌宜在爪牙任前漢朱邑傳張敞為膠東相與邑書曰昔陳平雖賢須魏倩而後進

韓信雖奇。賴蕭何而後信。邑感敬言。貢薦賢士大夫。多得其助。新序周舍事趙簡子。立簡子之門。三日三夜。簡子使人問曰。何以令我舍。曰。願為諤諤之臣。耳。簡子曰。千羊之皮。不及一狐之腋耳。後漢書。孔融薦禰衡書曰。禰衡英才卓犖。升堂覩與。目所一見。輒誦於口。耳所暫聞。不忘於心。所謂驚鳥累百。不如一鶚云云。龐士元詳前英賢篇晉書。成公綏傳。張華雅重綏。每見其文。嘆服。太常卿闕華薦之曰。太常清卿必鳳毛士。為之。成公綏可任。其聯。綏乃受詔。史記。桓

公。囚管仲於檻車。鮑叔牙薦之曰。管子天下才也。桓公遂用為相。孫世說。習鑿齒有才名。桓宣武器之用。嘗為荊州治中。謝朓曰。不得明公。荊州老從事耳。唐可憲宗紀。李吉甫同平章事。問中書舍人裴垍曰。朝廷後進。罕所接識。君有藻鑑。願悉言之。垍取筆疏三十餘人。數月之間。選用畧盡。世說補。謝朓字元暉。好獎人才。會稽孔顛。麓有文章。未為時人所知。孔稚圭嘗令草諫表。以示元暉。元暉嗟嘆良久。自折簡寫之。語稚圭曰。是子聲名未立。應共獎成。無惜齒牙餘論。

皇甫詳前學術

韓文大夫烏公以鉄鉞鎮河陽

之三月以石生為才以禮為羅羅而致之幕下未數月也以温生為才於是以石生為媒以禮為羅又羅而致之幕下朝取一人焉拔其尤暮取一人焉拔其尤杜甫詩云楊雄更有河東賦惟待吹嘘送上天

憲宗時李吉甫同平章率問中書舍人裴啟曰

為陳仲中憐劉曰不幹即公陳仲中事耳

公遂用為卧世時賢蓋齒首十合賦宜近器之用

公因嘗竹林謝車臨殊下款之曰晉于天下不也

亭達

鹽車服驥終遇孫陽豐獄埋鋒還逢雷煥璞玉磨數十番沙石乃堪珍國璽而寶廟嶺嶺松歷千百載風霜方可柱明堂而棟大厦困中特起世上幾何漢高皇出雕水之圍遠興帝業齊小白脫射鉤之難遂展霸圖為山東從約長分明是刺股書生擁關外節旄人却原來棄繻羈旅子虛未賦市廛羞滌器之夫物色新來巖穴起作霖之相侯班趨於萬里正是備書王莢布於九江豈非黥卒韓信引釣絲城下擁麾拜漢室將軍買臣負薪

檐山中衣錦作會稽太守百里奚秦之相實為飯牛者
 朋樊舞陰漢之侯曾是屠狗者侶莘野半犁春雨足耕
 出阿衡渭川一線午風輕釣來即墨倪仲饒功名猶未
 遂芳郊帶霧翻鋤公沙穆爵秩不曾膺茅舍連雲春杵
 臥牛衣以垂淚泣王章還自苦中甜事曲薄而覓生涯
 周勃却從微處顯一封特下卜式發自牧芻四輩迭來
 馬周伸於逆旅公孫乃儒者豕羣內養成佐漢鉅公管
 仲何人哉檻車中挺出霸齊仲父日碑擢從降子似跛
 鯨而遊康莊衛青出白奚奴類洞魚而縱大壑亡命徒

釋嵩離蔬膺顯爵枯木春華寡人子出泥騰漢列華簪
 孤松晚秀魏之范叔秦之張祿脫穢污而就馨香鄉之
 韋臯鎮之韓翽改零丁而成卓犖歷觀豪傑悉起側微
 痴兒不了公家事固知瓊尾輩無聞男子要為天下奇
 方信魁梧人自別
 戰國策汗明日夫驥之齒至矣服鹽車而上太行遷
 延負棘不能上伯樂遭之下車攀而哭之解紵衣以
 暴之驥於是俛而噴仰而鳴聲達於天若出金石聲
 者何也彼見伯樂之知已也
孫陽善相馬有星名伯樂在天廐人以孫陽識

馬因號伯樂焉。晉張華見斗牛之間常有紫氣，問雷煥。煥曰：寶劍之精也。華即補煥為豐城令，煥掘獄得一石函，中有寶劍二，並刻題。一曰龍泉，一曰太阿。是夕斗牛間氣不復見焉。煥留一自佩，遣使送一與華。沈約云：玉出璞中，良工不磨礱之，孰知其為和寶也。戴符松論：飲沆瀣，飽風霜，根植黃泉，枝摩青天，則可以柱明堂，棟大廈也。史記：項羽圍沛公於睢水，將獲之，忽大風起，飛沙揚石，天地晦冥，沛公乃得脫。春秋：齊襄公醉，殺魯桓公，通其夫人，羣弟恐及禍，故

次弟糾奔魯，管仲傅之。次弟小白奔莒，鮑叔傅之。後襄公被殺，齊人名小白於莒，魯亦送子糾，管仲將兵遮莒道，射中小白帶鈎，小白佯死，得先入齊，人立之。是為桓公。史記：蘇秦遊說六國使之合兵拒秦，六國之君推秦為從約長。漢書：終軍西出關，關吏與之繻，曰：還當合符。軍棄繻，去曰：大丈夫當不徒還。後建節入關，關吏曰：此前之棄繻生也。繻，帛也。史記：相如居貧，賣酒臨邛，文君當壚，自為滌器，後為子虛賦。武帝讀而善之，遂召用。班固詳前地理，史記英

古事苑

亨達

哭

蘭雪堂

布先有罪而黥後佐高祖定天下有功封九江王亦
 云黥布。史記韓信釣魚淮陰城中漂母哀其饑進
 之食信曰吾必有以重報母母怒曰大丈夫不能自
 食吾哀王孫而進食豈望報乎。漢朱買臣家貧負
 薪行讀後為會稽之守持節錦歸。史記百里奚自
 鬻於養牲家得五羊之皮于秦因號五羖大夫。漢
 書樊噲封舞陰侯噲先未遇曾販漿屠狗。伊尹耕
 於有莘後居阿衡之任也。相也。太公釣於渭水後佐
 武王定天下封國於齊。即墨也。漢書倪寬字仲饒帶

經而鋤後擢為左內史轉御史大夫。漢公沙穆為
 吳祐貨春祐與之談善之遂定交於春白之間後穆
 受祐之所薦為員外郎。王章詳前貧賤。史記周
 勃事漢祖封絳侯先是勃居貧織曲薄為業。曲薄謂
 史記卜式牧羊蕃息漢武見而問之答曰羊善觸
 必去其敗羣者然治民亦猶是也帝善之擢為緱山
 令。史記公孫弘少為牧豕後武帝舉用之乃以布
 衣位至丞相封平津侯。管仲與子糾之難囚之檻
 車之中鮑叔牙言於桓公桓公釋之後霸齊稱仲父。

漢紀休屠王太子日磾沒入官輪黃門養馬武帝見其容貌甚嚴即日拜為馬監遷侍中甚信愛之賜姓金後用為右相衛青詳前貧賤亡命徒如英布雍齒字皆罪當死者於漢霍光傳諸生多竄人子也之記范睢為須賈所譖受魏齊之笞折脇而死置之廁中睢復甦逃入秦更姓名為張祿為秦國相詳婚宋書王廷珪吉州安福人其郡人胡銓以排和議獲譴謫海南廷珪送以詩云痴兒不了公家事男子要為天下奇秦檜怒流辰州武將馬羽攝郡事

待之甚厚廷珪辭曰某罪人也將累公羽曰由公獲譴其榮多矣

蘭雪堂古事苑定本卷之八



饒安 鄧志謨景南 編輯

戴 珉潔澄

西泠 戴 璵瀾石 參定

戴 琰師曾

仙佛

釋氏明心見性仙家服氣鍊形靈鷲嶺祇樹園釋林不
老藥珠宮闕風苑仙境長春道德五千言老子衍中朝
之秘妙相三十種牟尼顯西土之靈偓佺子服松實以

輕身佛圖澄。呪蓮花而應口。貯乾坤一壺。藏世界一粟。釋與仙符。參宗旨三乘。燒金丹九轉。仙從釋合。故玄教畫江成路。而空門聚石。點頭傳法。度青牛函谷。重重紫氣。馱經來白馬。紺園藹藹。祥雲參禪。妓女為尼。魂遊鹿苑。遣婦書生。入道名在丹臺。無心昌老三。醉岳陽寶目。禪師半間。衡岫吐飯成蜂。繪化蝶仙。機玄且益。玄浮杯渡海。錫飛空。佛法妙而愈妙。火棗交梨。總是仙家上藥。旃檀瓊樹。悉為釋氏靈苗。旌陽白日上昇。悔殺拖腸之鼠。慧遠清晨說偈。喜生伏頌之。鷲造逡巡。酒開頃刻。花

仙科秘訣。覆忍辱衣。落煩惱髮。釋氏真傳。鳴磬留夕陽。捲簾納秋氣。更嘉釋子清脩。安爐烹紫石。閉戶誦黃庭。猶羨道家至樂。

初學記云。昔聞崑山中山。形如鷲。佛嘗居此。故名。祇樹園。祇陀太子園。林木茂盛。須達多長者求為說法。地太子戲。日以金布地。可相與。須達多長者以金布八十頃。精舍告成。諸佛居之。蓬萊山有藥珠宮。崑崙山有閻風苑。皆神仙所居。崑崙圃。閻風苑。有玉樓十二。玄室九層。左瑤池。右翠水。環以弱水九重。

非。既。車。羽。輪。不。可。到。老子跨青牛傳道 德經詳耆英篇 佛經云

釋迦牟尼年十九出家學道勤行精進禪定具妙相

三十二種神仙傳云偃佺子堯時人總角時愛食

松實身體遂輕能飛行如走馬年歷二百遂飛升而

去佛圖澄晉人住天竺妙通禪理役使鬼神腹旁

有孔夜照一室石勒召試其術澄取鉢盛水以口呪

之遂生青蓮花貯乾坤一壺壺 東坡縣佛印詩

云一粒粟中藏世界言佛法之妙三乘亦云三車

節上乘中乘下乘之謂九轉丹道書云九次循環

也。搜神記晉吳猛有仙術自豫章歸江水驟漲無

舟猛乃以扇畫江水遂成大道猛過畢乃沒梁高

僧講經於虎丘寺聚石為徒與談涅槃其石皆點頭

白馬馱經竺法蘭傳經事紺園佛所居地 妓

琴操者叅東坡禪初問湖中景妓曰落霞孤鶩齊飛

秋水長天一色再問景中人妓曰裙拖六幅湘江水

髻挽巫山一段雲妓問究竟坡曰門前冷落車馬稀

老大嫁作商人婦妓悟削髮為尼唐許邁志求仙

道遺書遺其妻有云棲遲巖岫情願所終吾其去矣

長別離矣。○呂洞賓遊岳陽自稱無心昌老。蓋昌字無心。○呂字也。○僧寶目居衡山。詩云：萬松嶺上一間屋。老僧半間雲。半間雲。或有時去行雨。回來不似老僧閒。人號半間和尚。○列仙傳：葛玄有仙術。與客對食。噴飯成蜂。數百皆集。客身亦不螫。人食久。玄乃張口。蜂皆飛入。仍復成飯。○左慈字元放。廬江人。有道術。嘗指鱸化蝶。詳後飲饌第二篇○劉宋時。婺州有僧不知姓名。常乘木杯渡河。○高僧傳：有神僧飛錫。凌空而行。○釋子曰：遊行僧為飛錫。安住僧為掛錫。

火棗交梨

詳後神仙佛經：瓊樹寸寸是玉旃檀。片片皆香。比之聖賢。無德不備。喻之經文。無字不工。○列仙傳：許旌陽得道。舉家白日上昇。雖雞犬亦偕去。惟鼠惡其不潔。擠下之。後鼠自悔。吐易其腸。至今有把腸鼠。詳影寺僧慧遠。養一鷺。遠每講經。鷺即伏地。而聽。若說他事。則翱翔而去。造逡巡。酒開頃刻。花韓湘子事。詳前天類要云：僧出家。覆以忍辱之衣。落以煩惱之髮。謂袈裟韓公宿僧寺。詩：鳴磬夕陽盡。捲簾秋氣來。老僧無俗慮。明月湛丹臺。○廬烹紫石。指煉丹事。

精。無。不。滿。劍。之。舞。文。無。不。工。國。山。嶽。著。靈。則。
 精。無。不。滿。劍。之。舞。文。無。不。工。國。山。嶽。著。靈。則。
 精。無。不。滿。劍。之。舞。文。無。不。工。國。山。嶽。著。靈。則。
 精。無。不。滿。劍。之。舞。文。無。不。工。國。山。嶽。著。靈。則。
 精。無。不。滿。劍。之。舞。文。無。不。工。國。山。嶽。著。靈。則。
 精。無。不。滿。劍。之。舞。文。無。不。工。國。山。嶽。著。靈。則。
 精。無。不。滿。劍。之。舞。文。無。不。工。國。山。嶽。著。靈。則。
 精。無。不。滿。劍。之。舞。文。無。不。工。國。山。嶽。著。靈。則。
 精。無。不。滿。劍。之。舞。文。無。不。工。國。山。嶽。著。靈。則。
 精。無。不。滿。劍。之。舞。文。無。不。工。國。山。嶽。著。靈。則。

神仙

玉醴金漿。飛騰藥餌。霓旌羽蓋。護從威儀。少室簇烟霞。
 總是逍遙之處。瑤池騰風月。無非宴飲之區。卷龜殼。食
 蛤蜊。汗漫之遊。可羨。食朝霞。飲沆瀣。真修之訣。誰知。蛻
 殼解屍。副身焉用。伐毛洗髓。真性常存。食水桃碧藕。乃
 人間希有之珍。玩瑤草琪花。上不凡之種。胡麻飯。
 炊成於碧洞。雲厨立霜丸。搗就於藍田。玉杵曾憶。乘龍
 而輕舉。還聞食蠹而遽成。妙法通玄。虛靜之虎龍。並伏
 餘丹留瀝。劉安之雞犬。皆升。燒黃煉白。葛洪覓勾漏丹。

砂拾紫拓青阮肇探天台。朱拋地上麻姑戲處便。
 成珠石出懷中雍伯種來還是玉清溪道士鶴一隻雲。
 裏翩翩葉縣郎官鳧對飛空中矯矯巖下清風黑虎賣。
 董仙丹杏山間明月彩鸞棲張叟綠筠巴邛園內風光。
 好橋中二老圍棋長安市上物華妍壺內一翁歌枕趙。
 惠宗火中化鶴豈避烽炎左真人盆裏引鱸不須烟浪。
 安期曾食棗如瓜蕭靜更食芝似肉乘鯉入重溟琴高。
 樂矣騎龍升碧落黃帝飄然孫居士大慵一聲山鳴谷。
 應陳先生長眠數覺物換星移太上君赤松子恰稱天。

府之耆尊許飛瓊萼綠華。便是仙宗之絕屬蕭史吹簫。
 傳雅曲引來鸞鳳之羣旌陽淬劍耀寒芒驚破蛟螭之。
 膽雲夢洞中鬼谷壽筭無窮崆峒山上廣成精神益王。
 麻姑指甲堪楂癢我意猶然老子鬚眉可上圖人言不。
 謬。

晉許穆為護軍長史入華陽洞得道王母第二十女。
 紫微夫人常降之後書與穆曰玉醴金漿交梨火棗。
 飛騰藥也以君心猶荆棘相雜是以二樹不見六。
 帖仙人羽蓋霓旌霞衣風馭地輿志華山有東西。

二石室東云太室西云少室皆仙人所居。瑤池王母所居之地。淮南子云盧敖遊北海見一士深目玄準卷龜殼而食蛤蜊。敖曰夫子可與敖為遊矣。士笑曰我南遊罔叢之野北息沉默之鄉西窺溟漠之里東貫鴻毛之光吾方與子汗漫遊九垓之上。大人賦吸沆瀣食朝霞。漢武內傳黃眉翁謂東方朔曰吾却食服氣三千年一洗髓三千年一伐毛吾今已三伐毛三洗髓矣。周穆王開宴王母乘鳳輦而來進萬歲冰桃千年雪藕。瑤草琪花瓊樹之屬惟

仙家有。列仙傳漢劉晨阮肇入天台山採藥見澗中流有胡麻飯屑服之覺身輕沿流而進乃遇仙女成夫婦云。唐裴航遇雲翹夫人與詩云一飲瓊漿百感生。玄霜搗盡見雲英。藍橋便是神仙路何必區區上玉京。後過藍橋見一老嫗求漿。嫗令雲英擎一甌飲之遂得娶成仙云。陶安公得道七夕日有龍迎之而去。真誥云經函中有蠹食神仙字服之可。列仙傳張虛靜天師煉丹既成龍降虎伏。安劉詳前者英雍。列仙傳葛洪字稚川善導養術聞交伯詳前婚姻。

耻出丹砂。求為勾漏。令煉而服之。後屍解飛升而去。
 列仙傳。麻姑降蔡經家。取米數升。撒於地上。悉成
 真珠。方平謂曰。姑年少好為此。吾則不為也。唐玄
 宗贈清溪道士詩云。清溪道士人不識。上天下天鶴
 一隻。洞門深鎖白雲閒。滴露研硃點周易。漢顯宗
 時。王喬為縣令。有神術。每朔望朝。帝怪其來數。不見
 車騎。密令太史伺望之。言其臨至。有雙鳧從南飛於
 是。舉羅張之。但得雙鳧。詔尚方視。則所賜尚方履也。
 列仙傳云。吳董奉居廬山。為人治病。不索謝。病重

愈者。令種杏五株。病輕者一株。杏成林。實熟時。買杏
 者。將穀一石。便取杏一石。取多者。有黑虎逐之。故曰
 虎賣杏。張虛靜天師隱龍虎山。結廬而處。有彩鸞
 棲鳴其上。作詩有結廬高處無人到。夜半彩鸞棲綠
 筠之語。巴邛人家有橘。霜後諸橘盡收。餘二大橘。
 如三四斗。益巴人剖開。每橘有二叟。鬚眉皓然。相對
 弈棋。身長尺餘。談笑自若。一叟曰。橘中之樂。不減商
 山。但不得深根固蒂耳。一叟曰。僕饑虛矣。須龍肝脯
 食之。即於袖中抽出一草根。方圓徑寸。形狀宛轉如

龍因削食之。隨削隨滿。食訖。以水啜之。化爲一龍。四
 叟共乘之。足下雲起。須臾風雨晦明。不知所在。也。益
 列仙傳。壺公賣藥長安市。懸一壺於肆頭。日輒入
 壺中休息。費長房見而異焉。再拜求入。公與之俱入。
 見樓臺壯麗。驚曰。此別一乾坤也。遂從公學道。列
 仙傳。趙惠宗。宜都人。得九天仙籙。唐天寶末。積薪自
 焚。怡然坐火中。誦度人經。乃化爲瑞雲。仙鶴而去。
 神仙傳。左慈有仙術。曹操宴客。曰。席間所少者。松江
 鱸耳。慈索銅盆貯水。釣之。須臾引鱸魚。而出。曹

嘗出郊。慈携酒一升。脯一斤。親手斟酌。百官皆醉。飽
 操惡其怪。欲殺之。慈却入壁中。忽然不見。或見於市。
 眇一目。漢武內傳。李少君以却老方見武帝。曰。臣
 嘗遊海上。見安期生。食巨棗。大如瓜。漢蕭靜。憫得
 一物。類人手。肥潤而紅。烹而食之。齒髮更生。力壯貌
 少。道士顧靜之。曰。所食者肉芝也。壽等龜鶴矣。列
 仙傳。琴高善鼓琴。後得仙。乘赤鯉來人間。後又乘赤
 鯉復入水去。史記。黃帝鑄鼎荆山。鼎成。有龍迎之。
 上升。因名其地。鼎湖。韻府羣玉。孫登得仙道。寓蕪

門阮籍訪於其處與談時事不應及退至半嶺聞有
 聲若鸞鳳音乃登之嘯也韻府羣玉陳搏隱於睡
 每睡必數月而醒羽士寇朝一學其睡之大畧劉垂
 範聞其斲曰寇先生睡有樂乃華胥調或曰既有
 曲譜記如何曰混沌譜太上隱者赤松子俱二仙
 長名西王母降武帝殿有侍女四人帝問其名曰
 董雙成許飛瓊賈陵華段安香萼綠華女仙也上
 下青衣顏色純整故名蕭史詳後樂具許遜字敬之南
 昌人晉初為旌陽令點石化金足遁賦尋棄官歸得

異人術浪遊江湖悉斬蛟蜃除民害精修山中一年一
 百三十六舉家飛昇雞犬亦隨去宋封妙濟真君
 鬼谷先生晉平公時人隱居雲夢山鬼谷在人間數
 百餘年後不知所之莊子黃帝聞廣成子在崆峒
 山往見之問長生之道廣成子曰必靜必清無勞爾
 形無搖爾精乃可長生故千二百歲而形未嘗衰入
 無窮之鄉游無極之野與日月參光與天地為常
 列仙傳王方平降蔡經家使名麻姑麻姑至年若十
 七八歲處女手爪似鳥蔡經見之默意其可爬癢忽

有鐵鞭鞭其背經忍痛未敢言。雲齋錄揚次公畫老子出關圖作詩云秘藏函谷關中叟來獻蓬萊閣上仙願得鬚眉如此老却教龜鶴羨長年。

山。封。良。之。開。其。出。之。首。黃。太。子。曰。必。晴。必。清。無。雲。雨。百。翁。爭。笑。不。吹。浪。之。華。于。黃。帝。間。黃。太。子。并。致。剛。思。谷。決。主。晉。平。公。部。人。劉。景。雲。夢。山。思。谷。五。八。間。博。百。三。十。六。舉。寒。派。晨。巖。大。亦。割。去。宋。桂。樹。齊。真。寺。異。人。術。頭。遊。武。賦。悉。神。妙。翻。劍。吳。善。書。對。山。中。平。二。

梵釋

淨土開宗沙門演教問宅居奚在慈悲作室通慧作門。詢骨肉為誰法喜為妻智度為母不生不滅菩提開智。慧之花無愛無憂優鉢結因緣之果愛慾海濟渡大願。船光明拳打破痴迷膜經翻貝葉許多之秀氣迎風。設伊蒲一種之清香帶露八功德之水澄澈無波一指。頭之禪簡明有本無我相無人相須識一空有戒香有。定香更臻三昧闡明妙法渾身便覺布毛輕認透此心。滿口盡稱梅子熟達磨言歸於西竺隻履翩翩隱慧趺。

坐於南陽雙鳩矯矯一日萬回施妙法歷遍山川三年
 百棒悟真機。斬新日月此誠一口吸盡西江水難與人
 言。豈非兩足踏倒須彌山。祇應自悟赤髭碧眼何人不
 是。梵宗白足清癯誰個未知。禪味慧可對達磨斷臂妙
 矣。法身歸宗從李渤弄拳。隱然梵訣譚經融至理大千
 界內。雨飛花說偈至無言不二。門中雲散采四大身若
 無。若有三乘法愈究愈精。德山柱杖有人持。禪家慧柄
 石霜心地從誰識。釋派玄機金人隱隱。漢廷上正招揀
 兩足奇尊白氣蔥蔥。吾世中已橫出一枝活法人。固曰

青蓮妙相我亦云大雄法王古咸謂西方聖人今盡稱
 南閻覺士智月常圓法雷頻震正為般若涅槃菩提無
 樹明鏡非臺允是真空世界

淨土佛國言清淨無穢雜也。梵語云沙門出家者
 總名以息心達本源故號沙門。又云桑門。佛經云
 如來以慈悲作室。通慧為門。維摩詰曰釋氏智度
 以為母方便以為父。法喜以為妻。慈悲以為子。菩
 提樹釋迦如來成道時所種之樹。五百年一花。白樂
 天贈智慧禪師詩。方便風開智慧花。優鉢亦佛家

所種之樹法華經作優曇鉢亦五百年一花。佛經云菩薩乘大願船住生死海中呼引衆生上大願船。佛經云如來舉金色臂屈五輪指爲光明拳又云。決一切痴迷膜到一切功德岸。貝樹亦佛國所植。多以其葉寫經故梵語有云說法天花雨采翻經貝葉成文。伊蒲饌齋供也。後漢楚王英詣闕以繡贖罪詔報曰王好黃老之言尚浮屠之教還其贖以助伊蒲塞桑門之饌。八功德木西域八池傳燈錄有僧過天龍禪師天龍豎一指示之僧大悟後嘗曰吾得天龍

一指頭禪一生用之不盡。無我相無人相金剛經語。佛家衆香如戒香定香慧香解脫香之類。充語以正受爲三昧。傳燈錄道林禪師有侍者學佛法師於身上拈布毛吹之其人遂悟時號布毛侍者。傳燈錄有僧問大梅和尚爾見馬祖得甚麼教曰馬祖向我道卽心是佛僧曰馬祖近日又道非心非佛大梅曰任汝非心非佛我只管卽心是佛馬祖知之謂曰梅子熟矣。後漢達磨端居而逝後三載魏宋雲使西域回。西域卽今遇師於蔥嶺手持隻履翻

翻獨逝問師何往日西天去。明帝起廣視之。惟一革
 履存焉。高僧傳。鄧州一僧名隱慧。日食二鳩。人號
 南陽鳩肉長老。或謂之師。張口鳩從口出。高僧傳。
 萬回禪師九歲出家。兄遠戍。師往問訊。朝往夕還。以
 萬里而回。人號為萬回禪師。傳燈錄。洛浦禪師在
 夾山。做典座三年。喫百頓棒。後大悟。嘆曰。斬新日月。
 特地乾坤。襄州居士龐蘊。參馬祖云。不與萬法為
 侶者。是甚麼人。祖云。待汝一口吸盡西江水。即向汝
 道。居士頓悟。傳燈錄。育僧問石頭和尚。如何修最

上乘。徹第一義。石頭曰。爾愛欲不除。能以兩脚踏倒
 須彌山耶。蓋難之耳。佛陀耶尊者。赤髭。時號赤髭
 毗耶沙。達磨。生而眼碧。號碧眼禪師。釋曇如足
 白於面。號白足僧。僧祖可善權。清癯。時亦號瘦權。
 慧可。侍達磨。夜大雪。過膝。師不之禮。慧乃取刀。斫
 臂。師乃知為法器。傳燈錄。李渤。問歸宗禪師。大藏
 教。明得甚麼。歸宗舉拳示之。李不答。宗云。讀萬卷書。
 拳頭也識不得。梁高僧講經。天雨寶花。徐玉泉贈
 僧云。杖錫飛身到赤霞。石橋閒坐演三車。一聲野鶴

仙濤起。白晝天風送寶花。三車即三乘。梵語雨散。

寶華曇花帶潤雲呈錦采。貝葉成文。文選文殊謂

維摩詰曰。何為是不二法門。摩詰不應。文殊曰。乃至

無有文字言語。是真入不二法門。佛言四大之身。

謂地火水風假合成身。地大火大水大風大。故謂四

大云。三乘詳前仙佛。傳燈錄。德山師有拄杖。尋常僧至

多以杖打之。臨濟禪師遣侍者參其教。告之曰。若打

汝。接取其杖當心一柱。侍者如其言。德山曰。從來疑

這老漢果識得透。佛偈云。赤旃檀塔六七給。白齒

苔花三四枝。禪客相逢只彈指。此心能有幾人知。百

霜舉以問。貫伏休不能答。復問於石霜。石霜乃曰。能

有幾人知。佛曰。兩足尊。謂福足慧足。漢明帝夢

金人飛空而下。問於傅毅。傅毅曰。西方佛也。遂使使

迎之。佛法乃始入中國。晉道信禪師見紫雲明蓋

下。有白氣一道橫分。弘忍禪師曰。莫是和尙化後橫

出一枝佛法否。佛經云。大雄以慈悲致化。釋稱大

雄。猶儒家稱大聖。列子太宰嚭問孔子孰為聖人。

子曰。西方有聖人。不治而不亂。不言而自信。不化而

自行蕩蕩乎民無能名焉。事文類聚云釋氏之教。西竺稱瞿曇南浮稱覺士。清凉禪師云夫般若者。苦海之慈航昏衢之巨燭。般若音鉢惹猶云智慧也藝文云涅槃亦曰泥洹又言常樂乃不生不死之地非云死也。傳燈錄五祖求法嗣令寺僧各為偈其上座神秀曰身是菩提樹心如明鏡臺時時勤拂拭不使有塵埃六祖慧能書於秀旁云菩提本無樹明鏡亦非臺本來無一物何處惹塵埃五祖觀之法嗣遂定。

鬼神

魑魅魍魎木石之精。罔象罔羊水土之怪。翁仲震臨洮之地。莫大形儀。巨靈劈首陽之山。最雄力量。國殤族厲。未是玄虛。牛鬼蛇神。不為怪誕。律令雷霆之鬼。疾足無停。黔羸造化之神。生機不息。曰馮夷曰河伯。總曰水神。為語忘為敬。遺悉為胎。鬼潮頭來白馬濤神。還屬靈胥。巖下現青猿。山鬼莫非鼉。錯黎丘多奇鬼。惑時必以偽。害真夏郊有異神。祀處却轉凶。為吉肩吾固。橐籥泰山之主。靈若實綱維。滄海之君伯。有攬亂鄭邦。烈烈英魂。

猶未泯雲長怖驚吳國堂堂精爽不曾磨美女甚都墓
 內贈盧充金梳伶人頗好亭中教稽氏瑤琴鄭交甫散
 步江湄有幸賜江妃之佩劉長卿閒吟溪上何緣投溪
 女之簪陸士龍講易通玄藉令王弼胡釘鉸吟詩得趣
 托魄柳暉鴉鳴谷來來往往山魃牛渚磯擾擾紛紛水
 怪室內伯高逢哂笑誰則不疑道間羅友遇柳榆人猶
 有信第以邪難勝正更知幽不揜明唐時花月妖畏見
 狄梁公之面晉代粉榆社愁逢阮宣子之柯魏元忠心
 正無回頓使妖魔屏迹栢石虔名聞有赫遂令瘧厲銷

魂仍思手大入牕貞夫舉筆翻憶舌長吐地壯士吹燈
 鄒德潤徙項王祠莫須有牛僧孺宿薄后廟豈其然人
 死為三尸柳子為文曾痛罵士窮因五鬼韓公作檄便
 長驅作無鬼論我且將同然賦迎神詩人何必乃爾
 博物志云水石之怪曰龍罔象木之怪曰夔魍魎土
 之怪為犢羊火之怪為宋無忌鴉音習五行志秦
 始皇有長人見於臨洮曰翁仲始皇以為祥鑄銅像
 之巨靈詳前地理屈原國殤云身既死神以靈
 子魂魄兮為鬼雄注云國殤謂壯而死於國事者其

精魄強壯。魂魄武毅。長為百鬼之雄。一族厲謂古大
 夫無後者。事文云黔羸造化神名。事文類聚語
 忘敬遺二鬼名。孕婦臨產時呼此二名。則不害人。
 吳越春秋吳王還自伐齊。子胥諫不聽。自殺。吳王盛
 以鴟夷投之於江。胥嘗乘白馬見於潮頭。土人因祀
 之為濤神。幽怪錄鼃錯為漢武所誅。葬於蒼目之
 山。其精魂不滅。嘗為青猿。號叫於巖中。上人目為錯
 鬼。幽怪錄黎丘有奇鬼。善效人之子姪。扶丈人而
 迫苦之。黎丘丈人之市醉而歸。遇奇鬼扶而苦之。歸

責其子。子曰孽無苦也。丈人悟曰。是必奇鬼也。明日
 復飲於市。刺殺之。其子恐父之不及。近而救之。丈人
 望見其子。拔劍殺之。左傳晉侯有疾。夢黃熊入寢。
 問何崇。子產曰。堯殛鯀於羽山。其神化為黃熊。實為
 夏郊。三代祀之。於是祀夏郊。晉侯病乃愈。肩吾泰
 山神。靈若海神。左傳伯有見殺。鄭人驚曰。伯有至
 矣。則皆走。或夢伯有介而行。曰。壬子。余將殺帶也。明
 年壬寅。余又將殺段也。及壬子。駟帶卒。國人益懼。齊
 燕平之月壬寅。公孫段卒。國人愈懼。其明年子產立。

其子撫之害乃止。韻府崔少府女亡，有金枕著墓中。後與盧克成幽婚，女以金枕贈克。往市賣之，女姊知為墓中物，詢得其由，啓墓視之。女生有一子，克取撫之，名曰煥兒。晉嵇康暮宿華陽亭，彈琴有伶人死者，葬斯地，乃詣康，授以廣陵散。後臨刑東市，神氣不變，索琴彈之，奏廣陵散，曲終曰：袁孝尼嘗請學此散，吾靳固不與。廣陵散於今絕矣。唐鄭交甫出遊汀湄，逢二女，不知其神也。女解佩以與之，行數十步，女忽不見。唐劉長卿暮春從溪上遊，吟有蜂抱花

鬢舞魚吹柳絮行之句，忽有女見而謂曰：郎君詞藻客也，投之簪，須臾不見。晉陸雲字士龍，夜投宿人家，見一少年共談周易，深明玄理，向曉辭去，覺在墓上，視之乃王弼塚。胡生者以釘鉸為業，宅西有柳惲墓，每飲茶必奠之。後柳惲托夢曰：我教爾為詩。後善詩，人目為胡釘鉸。鉸音教唐時太原郡鴉鳴谷山魃甚多，人獨行數遭侮。王建曰：我不怕鬼，每獨行無害。牛渚磯許走獸，龍伯高詳貧賤。晉羅友乞祿於桓溫，溫未之重用。一日溫餞人作郡，賓僚俱往，友獨後至，桓問

其故。女曰：適來路逢一鬼，抑揄曰：我只見汝送人作郡，不見人送汝作郡。溫笑以爲襄陽守。拍掌而笑曰：抑揄唐武三思妓素娥有殊色，狄梁公請見之，忽失其所。在聞堂與中語曰：某花月妖也。梁公正人，吾不敢見。世說：阮宣子伐社樹，或止之，宣子曰：社而爲樹，伐樹則社亡，樹而爲社，伐樹則社移，何害？唐魏玄同心正直，未仕時，鬼數戲侮。一夕羣鬼昇其床，魏曰：能徙吾堂下乎？竟徙之。魏又曰：復能徙吾堂上乎？鬼仍徙至舊所，曰：公正人，也不可侮，乃去。晉桓石虔有

雄名病瘧者，但呼其名怖之，其瘧輒愈。馬公亮嘗於燈下閱書，有鬼以大手伸入牕中，公以硃筆書花字，鬼哀求不得出，至曉泣曰：公獨不見牛渚磯事耶？公乃滌去其字，鬼謝而去。晉嵇康燃燈夜坐彈琴，忽有鬼入，儀容甚怪，遂吐舌七尺餘，垂至地，康滅其燈，曰：耻與魍魎爭光。梁蕭琛字彥瑜，爲吳興守，郗有項羽廟，據廳事一半，琛曰：生不能與漢祖爭中原，死據此廳事，何也？竟別遷之。牛僧孺落第歸，暮失道，遠望火光至一大宅，闔者引之入珠簾中，語曰：妾

漢文帝母薄太后也。何至此。遂呼出王嫱。揚太真。潘妃見禮畢。又別有善笛女子。太后曰。石家綠珠也。既而薄后曰。今夕誰伴牛秀才寢。諸妃皆辭。薄后令王嫱陪之。遂送入昭君院中。向曉而覺。乃知是鬼。三尸之鬼。嘗以朔望上天。白人罪過。欲人死為鬼。歎祭也。柳子厚有罵三尸文。韓公送窮見前時令阮瞻嘗作無鬼論。忽有一客來坐。議論風生。以為有鬼。瞻以為無。爭論不已。客言吾即鬼也。於是不見。阮瞻西晉阮咸子司空文明嘗作有迎神詩。

蘭雪堂古事苑定本卷之九

饒安 鄧志謨景南 編輯

戴 珉潔澄

西洽 戴 璉澗石 蔡定

戴 琰師言

形體

頭曰高臺。而為廣宅。駢拇之指。迥異於人。于思之鬚。頓殊於眾。劉曜垂五尺髯。遂作生民王。張良掉三寸舌。乃為帝者師。垂肩耳大。劉先主畢竟興。王蓋瞻毛深。德謙

師自當成佛。維翰一尺面。宰相奇形。比于七竅心。忠臣
異。總截臂節。婦。碎碎然。千古貞操。斷頭將軍。凜凜乎萬
年烈氣。蘇生。正直。膝。豈容佞士。作枕頭。林。蘊。精。忠。項。不
使。頑。奴。為。砥。石。黃。鬚。都。騎。自。古。稱。奇。碧。眼。小。兒。迄。今。推
異。白。眉。才。子。曾。推。馬。氏。之。常。疵。面。尚。書。更。說。趙。家。之。孟。
晉。廷。半。個。雖。落。落。貌。不。颺。宋。殿。一。雙。乃。趙。趙。容。自。美。班。
趙。虎。頭。燕。領。應。封。漢。室。之。侯。莊。姜。螭。首。噉。肴。允。作。衛。宮。
之。后。孔。隆。額。陽。虎。亦。隆。額。是。聖。是。狂。舜。重。瞳。項。羽。復。重
瞳。乃。帝。乃。霸。神。同。秋。水。徐。卿。之。子。豈。常。兒。眉。若。遠。山。卓

氏之姬真美女。英雄常自別。僉云寇萊公鼻息如雷。俊
傑却非凡。始信王濬冲目光若電。更羨李青蓮之豪邁。
眼空諸子氣蓋羣公。寧知陸餘慶之狼庸。手重五斤喙
長三尺。然則麀頭鼠目。可求官邪。抑亦人面狗心。難為
士矣。

佛經頭為高臺。而為廣宅。又云頭為崑崙。頂三台。君
莊子駢拇枝指。豈性也哉。駢拇足。指連二指。
也。枝指。手六指也。
左傳華元多鬚。伐鄭為鄭敗。宋人歌曰。于思于思。棄
甲復來。于思多鬚貌。
晉史劉曜身長九尺三寸。垂手過

膝。日有赤光。髯鬚百餘莖。而長五尺餘。史記留侯
 乃稱曰。家世相韓。韓滅。不愛萬金之產。為韓報仇。疆
 秦。天下震動。今以三寸舌。為帝者師。封萬戶。位列侯。
 此布衣之極。於良足矣。願棄人間事。欲從赤松子遊。
 耳。劉先生有奇相。耳大垂肩。人目之為大耳兒。
 德謙大師語錄。一僧拜師曰。三日不相見。莫作舊
 時看。師撥開胸云。你道我這裡有幾莖蓋膽毛。僧無
 語。五代桑維翰。身短而面長。嘗臨鏡自奇。曰。七尺
 之身。不如一尺之面。後乃為相。通鑑。紂無道。比干

諫之。紂怒曰。吾聞聖人心有七竅。命剖而視之。果然。
 五代王凝為虢州司戶。卒於宮。妻李氏携子與其
 骸歸。投宿開封府。主人不納。牽其臂而出。李氏大慟。
 曰。此手為人所執。耶遂斷其臂。府尹聞之。笞主人。厚
 卹之而歸。蜀志。諸葛亮與張飛趙雲破巴郡。獲嚴
 顏。喝曰。何不降。顏曰。但有斷頭將軍。無降將軍。飛怒。
 欲斬之。顏容貌不變。曰。斬頭便斬頭。何為怒耶。飛壯
 而釋之。引為上客。嚴顏巴郡太守魏史。蘇則為人正直。董
 昭嘗枕其膝。則推下之。曰。蘇則膝非佞人枕。唐書

劉闢反林蘊以義責之闢怒欲殺之惜其直陰戒刑
 人磨刀於頸脅服之蘊叱曰死便死我頸豈頭奴砥
 石耶吳史孫權生而眼碧時號碧眼小兒
詳前黃鬚
 武職白眉晉書趙孟為尚書令善於清談面有疵
 黯語曰諸事不決問疵面號疵而尚書世說習鑿
 齒有蹇疾符堅滅樊鄧素聞其名與釋道安俱輿而
 至與語大悅戲謂人曰止得半個人耳詳晉差可
 南宋史孝武帝選侍中四人並以風貌王彧謝莊為
 一雙阮韜何偃為一雙班趙事莊姜衛莊公后
詳武職

也衛人賦碩人篇美之曰手如柔荑膚如凝脂頰如
 蝤蛸齒如瓠犀螭首蛾眉巧笑倩兮美目盼兮蕙音
音由瓠音孔叢子云孔子河目而隆額陽虎貌似
 聖人故云史記舜目重瞳項羽目亦重瞳杜甫
 徐卿二子歌云徐卿二子生絕奇感應吉夢相追隨
 孔子釋氏親抱送並是天上麒麟兒大兒五齡色清
 徹秋水為神玉為骨西京雜記卓文君姣好眉如
 遠山臉際若芙蓉宋書寇準澶淵之征真宗使人
 闕其動靜公方熟睡鼻息如雷真宗曰渠安枕如此

必有勝筭也。朕何憂。晉書王戎生而穎異，神采秀發，目甚清灼，視日不眩。裴楷見而異之，曰：戎眼爛爛，如崑下電。戎字沖杜甫撰李太白行實，公眼空諸子，氣蓋羣公。唐書陸餘慶善辯論，而謬於判斷。時人嘲之曰：說事喙長三尺，判事手重五斤。唐書李揆為相，苗晉卿數薦元載，揆輕載體寒，謂晉卿曰：龍章鳳姿，士不見用，而顰頭鼠目，子乃求官邪。載深御之。晉書符朗初過江，王忱與兄國寶命駕詣之。沙門法汰問朗曰：見王吏部兄弟，未謂曰：非一狗面人心也。

也。及一人面狗心者，是耶。蓋忱醜而才，國寶美而毒，故也。

發目甚清。焯視日不眩。裴楷見而異之。曰：戎眼爛爛。如畫下電。戎字。杜甫撰李太白行實。公琅空諸子。氣蓋羣公。唐書陸餘慶善辯論。而謬於判斷。時人嘲之曰：說事喙長三尺。判事手重五斤。唐書李揆為相。苗晉卿數薦元載。揆輕載體寒。謂晉卿曰：龍章鳳姿。士不見用。而聲頭鼠目。子乃求官。別載深仰之。晉書符朗初過江。王允與兒國寶命馬背之。少門。又一人面似心。晉吳州蓋州。而大風寶美而毒。地。

形體

衛玠姿容。士皆樂觀。紫芝眉宇。人共快瞻。隆準龍顏。漢天子丰儀。迥異河日海口。魯聖人形質。自超武帝之鈎。弋兩手皆拳。先主之趙雲。一身是膽。待人盡禮。眼乖阮籍之青報國。懷忠血化。萇弘之碧。彭樂截腸。還欲戰壯氣。翩翩杲卿。斷舌更能言。義聲凜凜。王德用之黑面。豈非朝廷上異人。孟東野之古心。便是湖海中佳士。董宜強項。令勁直無回。雲長美髯。公英雄莫敵。利刃犯文天祥之頸。義血成丹。稜鋒剖安金藏之胸。忠肝露赤。更說

蓋臣曾報主介子推割股煮羹亦聞明主不輕臣唐太宗剪鬚和藥彥回之髯似戟豈為亂階李瞻之膽如升不虧大節魯仲連噴義聲厲罵嚼齒穿齦張睢陽鼓烈氣戰呼握拳透爪孟郊以文才壓眾且令韓愈亦低頭子儀以功德服人遂使承嗣頻屈膝一沐三握髮周公之接士何勤十步九回頭蕭鳳之別兄未忍婁師德跛男子病於足不病於心孟嘗君眇丈夫虧於形不虧於德嚴顏頭杲卿髮雅堪入烈士傳班樊素口小蠻腰更可上美人圖畫

晉書衛玠美丰姿時人愛之號玉人從殷浩至都下都人聞其美爭看之觀者如堵唐書房瑄見元德秀歎曰見紫芝眉宇使人名利之心都盡紫芝元德秀漢書漢祖生隆準龍顏股有二十四黑子準鼻也孔叢子云孔子河目海口又史云孔子生而首上圩項索隱注云言項上中低四旁高也鈎弋詳天文晉阮籍能為青白眼見禮法之士以白眼對之惟嵇康造之乃見青眼北齊書彭樂與周文決戰被刺賜出納之不盡截去復戰裴弘詳傷逝宋書王

德用狀貌魁偉而面色正黑○雖邊遠君長皆知其名○
 識與不識稱之曰黑面相公○塞北常呼其名以驚小
 兒○韓退之贈孟郊詩云○孟郊湖海士○古貌又古心○
 漢史董宣為洛陽令○殺公主家奴○主訴於光武○上
 令小黃門持宣謝主○兩手據地○不肯俯上○敕強項令
 出○蜀志關公在荊州○欲回蜀與馬超角力○孔明以
 書止之○曰○超雖勇○恐不逮美髯公也○宋亡○文公為
 元所執○屢求死○元乃殺之○咏史者有句云○淋淋血化
 千年碧○耿耿心留一寸丹○唐武后時有誣皇嗣異

謀者安金藏爭之○不可引刀大呼曰○請剖心以明皇
 嗣○不反○割腹腸出○武后驚曰○吾有子不能自明○不如
 爾之忠也○事遂白○晉文公出奔○介子推從焉○文公
 乏食○子推割股以啖之○後歸國○文公忘封子推○子推
 作歌○有一龍○乏食○一蛇割股之語○唐書李勣疾○醫
 者曰○鬚灰可治○太宗乃自剪其鬚以和藥○南宋史
 褚彥回夜宿閣中○公主就之○彥回不敢動○公主曰○公
 髯如戟○何得無丈夫氣○對曰○回雖不敏○不敢首為亂
 階○南史侯景亂○李瞻起兵為賊所執○正色自若○及

剖腹見其膽大如升。史記魯仲連罵賊嚼齒穿齦。唐書張睢陽恨賊握拳透爪。東坡帖云張睢陽生猶罵賊嚼齒穿齦。顏平原死不忘君握拳透爪。韓愈寄孟東野詩云低頭拜東野願得始終如驅蛩。驅蛩二獸名。唐田承嗣據有魏地郭子儀遣使至。詳後走獸。魏承嗣西望拜曰此膝不屈於人久矣今為公拜。史記周公謂子伯禽曰吾一沐三握髮一飯三吐哺猶恐失天下之賢。唐彙函云蕭鳳與兄鸞俱仕於京鸞被命出使鳳與餞別曰請舉杯剗飲醉中分袂。

庶不悲又賦詩云頃刻歌渭水十步九回頭。韻府云袁天罡子客師渡江見舟中之人氣色不吉欲不渡忽跛足人至客師曰有跛男子在無危矣跛男子妻師德也。史記孟嘗君之趙趙人出觀之笑曰始以薛公為魁然也今眇小丈夫耳。唐書顏杲卿為祿山所害殉首于衢莫敢收屍張湊得其髮持謁上皇足夕見夢帝寤為祭後湊歸髮於其妻崔崔疑之髮若動云。嚴顏詳前篇樊素小蠻俱詳寵妾篇。

皇且又具藝帝... 蘇山洩害... 以藉公為... 妻而辭也... 幾於歿矣... 云哀天... 無不悲又...

形體

賈雍頭亡猶能馳騁張儀舌在尚可縱橫鄭元壽口伐
 可汗辭鋒不鈍諸葛亮舌戰吳士智劍誰當嵇侍中之
 血自馨陶靖節之腰頗硬貞操烈婦冰霜為作心肝富
 學文人錦繡代成腸胃明其目張其膽韋思謙不為保
 妻子之臣實乃腹虛乃心徐之才可作希聖賢之士妻
 師德待人量好而中之唾迹未乾申包胥復國心勤足
 下之蘭反獨厚巢父從穎川間洗耳陶公在蓮社裏攢
 眉捫膝先生獨高氣節補唇士子更妙文章秦莊公顏

如○握○丹○何○平○叔○面○猶○傳○粉○杜○弘○治○眼○若○點○漆○衛○莊○姜○膚○
似○凝○脂○張○太○僕○腹○大○如○瓠○更○垂○好○譽○古○尚○書○頭○尖○似○筆○
偏○擅○英○稱○衛○將○軍○骨○骼○非○常○野○外○必○非○為○牧○者○魏○武○帝○
儀○標○自○別○床○頭○豈○是○捉○刀○人○漢○李○廣○數○英○雄○獨○伸○猿○臂○
唐○馬○周○稱○卓○犖○乃○聳○鳶○肩○怒○髮○衝○冠○蘭○相○如○不○屈○威○武○
喝○聲○振○瓦○桓○石○虔○豈○事○囁○嚅○英○布○黥○面○上○之○痕○何○嫌○貌○
醜○岳○公○刺○背○中○之○字○愈○見○心○忠○第○林○甫○多○奸○謀○口○裏○徒○
生○蜜○舌○而○祿○山○有○反○相○腹○中○焉○得○赤○心○宋○黨○進○雖○然○大○
腹○非○多○筭○之○人○也○唐○李○緯○徒○有○好○鬚○不○足○齒○之○儉○歟○

事○文○云○漢○武○時○蒼○悟○守○賈○雍○出○界○討○賊○為○賊○所○殺○失○
其○頭○馳○馬○還○營○營○中○咸○走○來○視○雍○胸○中○語○曰○戰○不○利○
為○賊○所○傷○諸○君○視○有○頭○佳○無○頭○佳○乎○吏○泣○曰○有○頭○佳○
雍○曰○不○然○無○頭○亦○佳○遂○什○而○死○史○記○張○儀○魏○人○嘗○
從○楚○相○飲○楚○相○亡○璧○意○張○儀○所○竊○儀○遭○笞○歸○謂○其○妻○
曰○視○吾○舌○尚○在○否○其○妻○笑○曰○舌○在○也○儀○曰○足○矣○後○入○
秦○取○相○鄭元壽事蜀志孔明入吳與文臣張昭
等辯論詞理不屈時謂舌戰羣儒嵇侍中詳衣服
淡篇唐有節婦吟詩云瑤池古冰雪為妾作心肝死

者如復生。剖與良人看。錦繡腸胃 詳前文章唐書常思謙
 為御史嘗語人曰大丈夫居敢言之地當正色立朝
 明目張膽安能碌碌作保妻子之臣耶。北齊徐之
 才八歲造周捨聽講老子捨設食戲曰不用心思義
 但思食乎之才對曰吾間聖人虛其心實其腹捨大
 歎息。唐書婁師德有度量弟守代州辭赴任教之
 耐事弟曰人有唾面潔之師德曰潔之是拂其怒也
 但使之自乾耳。史記伍子胥覆楚申包胥欲復之
 往秦國乞師足重繭哭於秦庭者七日七夜秦人哀

之乃為之發師。遠行者足下復起皮如繭史記堯欲
 讓天下於許由巢父聞其事曰汚吾耳也向潁水洗
 之適樊仲素牽牛飲問其故曰莫汚吾牛口乃從上
 流水飲之。韻府晉遠公立白蓮社招陶淵明淵明
 曰有酒則可既至無酒乃攢眉去。趙宋喻汝礪致
 仕歸自號捫膝先生。唐方干生而缺唇後遇醫者
 補之號補唇居士。秦人美莊公賦詩云顏如握丹
 其君也哉。魏何宴字平叔美姿容面絕白文帝疑
 其傅粉夏月賜以湯餅啖之汗大出隨以朱衣自拭

色轉白。帝始信之。晉書王右軍見杜弘治歎曰：膚如凝脂，眼如點漆，此神仙中人也。莊姜凝脂，已見前篇。漢張蒼為太僕，當斬解衣伏鎖，肌白如瓠。王陵言于沛公赦之。瓠音胡，器也。後魏古弼為尚書令，頭尖似筆。世祖常名之曰筆頭。時人因呼為筆公。衛青許世說魏武將見邊使，自以為形陋不足雄遠國，使崔琰代自捉刀立床頭。禮既畢，使問諜，問曰：魏主何如？使答曰：魏主雄望非常，然床頭捉刀人更英雄也。魏武聞之，追殺此使。漢史李廣為將，猿臂善射，號飛將。

軍。唐史岑文本謂馬周：鸞肩火色，騰上必速貴。後太宗名之四輩督促。互詳英賢史記趙得和氏璧，秦許以十五城易之。藺相如捧璧往秦，秦王無償城意，相如怒，髮衝冠，曰：必欲徒得璧，臣頭與璧俱碎於柱。遂完璧歸趙。晉史桓石虔小字鎮惡，喝聲，瓦皆震。嘗從桓宣武枋頭之征，軍中莫有抗者。河朔間以其名斷瘡。漢英布有奇相，相者曰：當刑而王，後有罪而鯨人號鯨布。佐漢祖定天下，封九江王。趙宋岳公諱飛，憫宋室傾覆，欲恢復之，背上刺盡忠報國四字。

字秦檜忌其功殺之人所以詩云矯詔遽成三字獄
 涅忠辜負一生心唐史李林甫忌文學之士或陽
 與之善啗以甘言而陰陷之世謂林甫口有蜜腹有
 劍云唐史祿山有死罪張九齡曰祿山生有反相
 不宥赦明皇惜其驍勇竟赦之後得幸明皇指其腹
 問曰此中何有對曰惟有赤心耳趙宋大將軍黨
 進食飽捫腹歎曰我不負汝左右曰將軍不負此腹
 此腹乃負將軍謂其少出智慮唐李緯拜尚書房玄齡曰
 此人奸鬚太宗問之知其無能也改洛州刺史

丰美

珠庭日角世俗外人瓊樹瑤林風塵表物元紫芝眉宇
 士士快瞻周茂叔襟懷人人競賞丰神秀麗蔣凝擅玉
 筍之班姿貌輕盈宋璟浥金莖之秀陶謝數晉朝兩個
 拔萃超羣阮何為宋殿一雙離倫絕俗風流李太白皎
 皎鸞鳳之姿瀟灑上官儀翩翩神仙之態華子魚淵清
 璧映遠韻孤騫皇南混玉質金相清標特異舟同於李
 膺郭泰人仰皆仙與共於潘岳夏侯士稱連璧平原佳
 公子飄飄濁世之中汝陽真天人洒洒儔人之表清高

不俗裴公允有仙標瑩徹無瑕樂合却為水鏡白圭振
 鷺劉禹錫實邁尋常珉玉秋霜孔北海不侔庸眾陳曲
 逆美如冠玉氣度英英王安豐秀比琳琅風猷湛湛謝
 希逸乃寰中奇物文潞公固天下異人妙矣劉敞矯矯
 雲中白鶴美哉叔夜巖巖山上孤松是豈徒野鶴之在
 鷄羣更忽憶蒹葭之倚玉樹天子問九齡風度果然賢
 相高標邊使識孟德丰儀自是英雄木色潘安仁入市
 羣婦女擲果盈車王君貺使邊少狀元聚人盤棟生恙
 云亡洛人謂看殺衛玠泣魚有趣楚君因寵極龍陽

唐書李珣日角珠庭非庸人相 晉書王戎曰王衍

神姿高徹如瑤林瓊樹自是風塵表物 紫芝眉宇 阮何一雙

俱詳 黃庭堅作濂溪傳序周茂叔人品甚高胸中

形體 洒落如光風霽月 北窻瑣言唐蔣凝美丰標每到

朝士家以為祥瑞朝士中皆號為玉筍班 唐宋璟

傳璟風度疑遠人以為玉樹含輝金莖浥露 璟字 廣平

晉書晉世諸人天性粹溫者惟謝玄暉陶元亮兩個

人耳 杜公贈李太白皎皎鸞鳳姿飄飄神仙態

上官子魚詳英賢 潘岳夏侯詳朋友 白樂天美皇甫湜云玉質金相

奇姿英發。後漢李膺郭泰皆美風神。同舟而濟。望之者以為仙。時號李郭仙舟。史記平原君傳。太史公曰。平原君翩翩濁世之佳公子也。杜甫詩云。汝陽真人。眉宇甚疎秀。汝陽王進世說。裴楷字叔則。風神高邁。容儀俊爽。當時以為玉人。見者曰。見裴叔則。如玉山上行。光映照人。李太白詩。裴公有仙標。拔俗數千丈。晉書。衛瓘見樂廣而奇之。曰。此人之冰鏡。見之瑩然。皇甫湜美劉禹錫文。眸子瞭然炯炯。清立望之真白圭振鷺也。後漢孔融傳。融凜凜焉。

偏皜焉。其與琨玉秋霜比質可也。陳平傳。周勃讒陳平於漢王曰。平雖美如冠玉。其中未必有也。言平如冠上之玉而心中無有喻其有才而無德晉書。有人詣王衍。遇安豐。及大將軍敦丞相導在坐。及往別屋。又見王詡與澄還語。人曰。某今日觸目皆琳琅珠玉。南史。謝莊字希逸。丰儀甚俊。時人目之為謝家奇物。東坡集。文潞公之在朝。契丹使耶律永昌劉霄來聘。望見公。却立曰。此潞公也。耶因拱手曰。天下異人也。晉書。劉敞劉紆俱美丰儀。時人語曰。敞矯矯如雲中鶴。紆超

趙如暮天霞。世說嵇康身長七尺八寸風姿特秀。見者歎曰蕭蕭肅肅爽朗清舉。或云蕭蕭如松下風。高而徐引。山公曰嵇叔夜之為人也巖巖若孤松之獨立。其醉也傀俄若玉山之將崩。晉書夏侯玄美丰姿毛曾嘗與之同坐人謂蒹葭倚玉樹。唐書張九齡為相玄宗重之及去位上每置相必問左右曰風度得如張九齡不。嵇紹野鶴詳前英賢孟德丰儀詳前形體晉書潘岳字安仁美丰姿每出市羣婦女愛之擲果盈車。趙末王君貺弱冠及第出使於契丹人人相聚而

觀為之盤滿屋棟曰看南朝少年狀元。晉書衛玠從殷浩至都下都人久聞其美觀者如堵玠先有羸疾體不堪勞遂成病而死人謂看殺衛玠。戰國策楚王寵幸龍陽君嘗與之釣魚初得魚命養之再得魚比前魚更美楚王命棄其前魚龍陽君泣曰臣今得幸大王猶前魚耳再有美於臣者臣在所棄矣楚王命無進美色。

有鬼見客失祗承宋五嘗多坦率事君懷篡逆朱三衛
 是奸邪藍而鬼異貌而即異心獨眼龍奇名而不奇相
 李主簿雙瞳點翳眼中常設籓籬張玄祖兩齧亡牙口
 內頻開狗竇黃巢之三屈律頭有怪形墨齒之半個人
 身非全體兒童擲石獨憐張載蒙羞婦女嘔涎還惜聾
 糜負恥史敬奉體之迷陋倘無勇誰則知渠醜然明貌
 也不颺少不言幾於失子麀頭鼠目寧堪求公卿大夫
 跛足禿瘡豈可作皇后天子善權瘦削何減於肌師德
 蹒跚不良於步瓊林宴上却笑何人是郭郎白水城中

偏聞有客呼人鬼

嫫母黃帝之妃極醜南威古美女嫫音東施越苧
 蘿山東家施也極醜西子西家施也極美後漢禰
 衡欲見曹公着布單衣疎巾手持三尺梃杖坐大營
 門以杖筮地大罵吏白外有狂生曹怒而怒之晉
 荀晞鎮青州用刑嚴酷吏民苦之號為屠伯事文
 類聚登徒子其妻蓬頭擊耳齟唇歷齒又疥且痔登
 徒子生有五子可謂好色者矣唐兵部侍郎許欽
 明宅與中書郝處俊相隣兩家子弟多醜而盛飾車

馬以遊京師語曰衣冠好容貌惡不姓許便姓郝
 魏谷指目眇而性嚴酷人呼為瞎虎北史齊王殂
 太子寶卷臨喪半闌人吊無髮俯地噴脫寶卷輟哭
 笑曰秃鶯啼來乎鶯音秋水毒鳥一名扶老世說補唐朱泚之
 亂侍中裴佖與衣冠數人佯為奴求出城佖最窘隘
 自稱甘草門兵曰此數子定非人奴如甘草者不疑
 唐書劉文樹形小而且多毛為侍中大夫同僚戲
 之曰文樹不似獼猴獼猴恰似文樹耳司馬徽劉
 綜欲候之先使左右問其存亡值徽鋤園曰我便是

徽貌陋時稱奇醜左右罵曰何物田奴稱司馬君耶
 徽更服而出左右叩頭謝世說王長史病林公候
 之闈者曰一異人在門王笑曰此必林公也林公貌醜故云
 支王濛唐李益稱十郎防閑妻妾過於周密每夜
 撤灰扃戶時謂妬痴錢癖詳前富貴唐書監察御史李
 全交專以酷虐為事臺中號為鬼而夜叉殺中王旭
 亦以酷虐為業時人因號為人頭羅刹唐書德宗
 微行西明寺宋濟葛巾方抄書上曰茶請一杯濟曰
 鬲水方煎自取之上問姓名曰姓宋名第五須臾聞

呼官家○濟惶恐○上曰○宋五坦率○後聞禮部放榜○濟無
 名○上曰○宋五又坦率也○子官家天朱三朱溫也○篡唐
 之天下○盧杞唐德宗相而藍色而心奸險時稱爲
 藍面鬼○李克用本姓爾朱氏唐徽宗賜姓李氏克
 用一目眇人稱爲獨眼龍○事文類聚龍丘李主簿
 目有翳方千與之飲戲之云○只見門外設籬○未見眼
 中安障○晉張玄祖八歲齒齟先達知其非常兒因
 戲之曰○君口何爲開狗竇○答曰○正使君輩從此出入
 齒斷也○黃巢亂合皮日休作識語云欲識聖人姓

田八二十一○欲識聖人名○果頭三屈律巢頭甚醜○按
 鬚不就○疑日休譏已○因遂加害○晉張載貌醜○每出
 小兒以瓦石擲之○委頓而反○讐麤醜男子○陳侯時
 人○每入市中○婦女見之○皆吐涎○唐書史敬奉體迷
 陋類○不勝衣○矛矢在手○前無強敵○左傳晉叔向適
 鄭驪○殘貌醜○立於堂下○一言而善○叔向聞之○曰○必驪
 明也○下執其手○以上曰○令子少不颺子○若不言○吾幾
 失子矣○驪音宗驪茂字然鑿齒牛人○鼠目俱詳形體五代
 史楊光遠病禿○有智辨妻○又跛其足○後舉兵○反人語

日豈有禿瘡天子跛足皇后耶竟敗唐語林詩僧
 善權體質清癯時目為瘦權足疾曰蹠蹠之步史
 記曰予苦蹠蹠又云予苦蹠蹠蹠蹠音盤蹠蹠行貌
 蹠蹠音別蹠蹠俱足疾
 妻師德詳趙宋政和丙申殿試何棗為狀元潘
 前形體篇良貴次之皆年少有風貌而第三郭友形容古怪唱
 名曰觀者皆曰狀元真何郎榜眼真潘郎第三真郭
 郎趙宋吳良溫形容古怪住白水城中僉云白水
 城裡有一人鬼

衣服

法冠製牙隱服裁荷嚴子陵灘上竿裘傲睨軒冕沈慶
 之軍中狐帽鎮壓貔貅棄繻出關去終軍固有用之才
 披褐入朝來王猛非無能之士老萊舞斑斕之服堂上
 春風石建浣中垢之衣堦前化日雉頭裘美晉武帝勅
 付於丙王獸錦袍新李青蓮醉輸於河伯時逢七夕阮
 家曬犢鼻之褌節屈重陽龍嶺落烏紗之帽月明五夜
 霜中士子牛衣風凜三冬雪裏神仙鶴氅韓昭侯猶惜
 敝袴王子敬偏草新裙須大夫贈范叔之袍情深念友

張釋之結王生之襪名重尊賢趙家飛燕多嬌宮內皆
 石花廣袖郭氏林宗有道鄉中盡整角儒巾通天帶頓
 輸嚴續之姬鸚鵡裘為貫相如之酒衣也垂鶉必無士
 笑冠之聚鵠或有人憎緩帶輕裘羊叔子斯文主將葛
 巾野服陶淵明陸地仙人金縷衣須入清歌研光帽還
 歸妙舞唐士未須裁道重他張孝子之繼晉君不忍
 浣征袍留彼穉侍中之血
 法冠獬豸冠也豸一角能邪故御史獬豸冠楚
 辭製芟荷以為衣嚴子陵宋沈慶之討河北山

蠻大破之羣蠻皆稽顙慶之患頭風嘗戴狐皮帽羣
 蠻畏之號蒼頭公王猛字景畧有大志聞桓溫入
 蜀披褐見之捫蝨而談當世之務旁若無人為符秦
 相終軍詳亨達老萊詳耆英李白衣明皇所
 賜宮錦獸袍遊於卒石酣飲嘯歌旁若無人乘醉捉
 月溺於水而死世說阮仲容步兵居道南諸阮居
 道北北阮皆富南阮貧七月七日北阮盛曬衣皆紗
 羅錦綺仲容以竿掛大布犢鼻褌於中庭人或怪之
 答曰未能免俗聊復爾耳仲容阮咸孟嘉落帽詳
 步兵阮籍時令王章臥

衣服

衣詳賔賤。晉王恭美丰姿，嘗乘高輿，衣鶴氅裘，行微雪。中人目之為神仙中人。擊音韓昭侯詳後篇世說補：卒欣少便靜默，美言笑，善容止，父不疑為烏程令。王獻之為吳興太守，年十二，王甚知愛之。嘗夏月入縣，竿着新絹裙，晝寢，獻之書裙數幅而去。竿本工書，因此彌善。史記秦相范雎與魏人須賈有隙，及賈使秦，雎自稱張祿先生，往詣賈，詭言為人傭賃，賈意哀之，留與坐食，曰：「范叔一寒如此，我乃取一綈袍賜之。」後入相府，見雎，雎悉數賈罪，曰：「公之所以得無死

者，以綈袍戀戀有故人之意，乃釋公耳。綈袍厚，緝為之。漢景帝時，王生善黃老言，張釋之為廷尉，生令其跪而結襪，釋之跪結之。人或讓王生，王生曰：「廷尉天下名臣，吾故使結襪以重之。」諸公聞之，賢王生而敬廷尉焉。石花袖，詳女子金縷衣，詳寵妾。後漢郭林宗，鄉中人稱為有道，出行遇雨，巾一角墊，時人乃故折一角以為林宗巾，共見慕如此。墊音店，下也。一角垂落也。南唐遺事：嚴續相公，姬裴皞給事，通天犀帶，皆一代尤物。嚴出，姬裴出帶呼盧賭之。裴采勝，嚴悵然以姬與之。西京雜記司

馬相如與卓文君還成都居貧愁憊以所服鷩裘鷩音速鷩音霜鳥名以其羽就市買酒與文君為歡毛維成裘貫音世貨也又賒也孫卿子曰子夏家貧衣若懸鶉人曰子何不仕曰諸侯之驕我者吾不為臣大夫之驕我者吾不復見衣破而結之似鶉羽之垂然左傳云鄭子臧奔宋好聚鷩冠鄭人惡之使盜誘殺之人謂曰服之不衷身之災也羊祜字叔子為晉都督在軍中輕裘緩帶以臨兵旅晉書陶潛解印歸居柴桑門前種五柳號五柳先生嘗言五六月北窗下臥遇涼風暫至自謂羲皇

上人世說補陶靖節在家邵將候陶值其酒熟取頭上葛巾漉酒漉畢還復着之李恂子七歲夢王母宴羣仙舞者戴研光之帽帽上簪花歌舞山香之曲唐韓彥思為孝子張僧胤作墓誌魏之縑二百彥思為受一匹較家人曰此孝子縑勿輕用也縑紹蕩陰之敗百官散潰紹獨以身捍衛惠帝遂被害血濺御服事定左右請帝浣其衣帝流涕曰此穉侍中血勿浣也穉

中○血○於○宗○山
 血○凝○喻○罪○車○矣○式○本○精○帝○宗○其○宗○帝○氣○也○曰○此○錄○詩
 華○意○第○之○規○百○官○昔○貴○臨○臨○以○良○早○備○漢○帝○後○姤○書
 參○思○意○受○一○四○練○寒○人○曰○此○幸○于○辦○於○神○用○此
 曲○身○轉○意○思○為○華○于○顯○曾○風○非○建○諸○路○之○懸○二○百
 知○寔○羣○山○無○許○漢○西○汝○之○剛○剛○土○辨○其○相○雅○山○齊○之
 應○上○高○中○張○西○張○畢○數○對○善○之○李○所○下○小○遊○夢○王
 上○人○對○晴○醉○陶○清○前○五○寒○山○殊○刻○圖○前○其○西○燕○組

衣服

汗○衫○興○於○漢○祖○訶○子○肇○自○楊○妃○逢○掖○士○人○衣○飄○然○絕○俗
 偏○衫○僧○者○服○迥○爾○離○塵○暮○雨○淋○淋○濕○田○婦○鴉○頭○之○襪○秋
 風○颯○颯○吹○儒○生○鳳○尾○之○袍○春○中○之○客○珠○履○盈○盈○馬○后○之
 宮○練○衣○楚○楚○玉○喬○屬○仙○令○鳥○飛○天○外○之○鳧○李○后○是○嬌○姝
 釵○化○宮○中○之○燕○元○載○橫○開○紫○綃○帳○必○費○方○兄○山○公○倒○葦
 白○接○羅○乃○酣○歡○伯○六○合○被○君○王○御○宇○七○斤○衫○釋○氏○傳○燈
 蜀○郡○有○賢○良○民○歌○五○袴○長○安○多○逆○旅○客○賦○單○衣○靜○處○討
 論○蜀○國○馬○融○施○絳○帳○坐○中○泣○下○江○州○司○馬○濕○青○衫○養○士

古事苑

衣服

美

廣雅

重田文門客盜狐白裘脫難動人誇李白寺僧奉蘭襟
袴酬詩王陽使貢禹暉冠締交義重文帝為董賢割袖
狎昵情深樂士共摩肩濟濟看馬鬼之襪高人能潔已
飄飄掛神武之冠梅花帳寘夢同清獬豸冠威稜獨峻
洵美且都有女遺王濛之新帽終貧且寡誰人換季子
之敬裘光武以赤憤起兵名芳千古晉懷以青衣行酒
事醜萬年蔡邕倒屣迎賓忘富貴而雅愛文章人誰不
齒溫嶠絕裾別毋重功名而頓輕孝道我則奚為
漢高祖與項羽戰汗透中衣故名曰汗衫 禮記哀

公問於孔子曰夫子之服其儒服與孔子曰丘少冠
魯衣逢掖之衣長居宋冠章甫之冠○皇甫規解官
歸鴈門守謁之不迎及白衣王符在門疾趨迎之語
曰徒見二千石不如一逢掖逢掖謂用掖之所寬大故鄭玄曰大袂禪衣也
魏時嘗作佛事見其偏袒右肩乃拖其衣名之曰
偏衫而全兩肩也又名離塵服亦名無垢衣 李白
詩云履上足如霜不着鴉頭襪田婦之襪五代桑維翰
未仕時縵衣襤褸穿結類鳳尾人呼之為鳳尾袍
史記戰國春申君之門客三千人皆珠履 東漢馬

明德皇后嘗服練服。謂姬勝曰：此繪宜染色。後宮皆
 歎服。莫敢尚華美。詞子詳女子篇漢武帝李夫
 人有姿色。帝愛之。賜以白玉釵。藏之匣中。一日開匣。
 化玉燕而去。元載芸暉堂。戶牖內設紫緇帳。得於
 南洞。絞綃之類也。輕疎而薄。無所障礙。雖凝冬而風
 不能入。盛暑則涼。自生其色。隱隱然。或不知其為帳。
 謂臥內紫氣之光而已。世說山季倫為荊州時。出
 酣暢。人為之歌曰：山公時一醉。徑造高陽池。日暮倒
 載歸。茗芋無所知。復能乘駿馬。倒著白接。惟舉手問

葛疆何如。并州兒高陽池。在襄陽。疆是其愛將。并州
 人也。山簡字季倫白五代唐莊宗滅梁。平蜀。志頗
 驕。命蜀匠織十幅無縫錦。為被。後被成。賜名六合。
 傳燈錄云：僧問趙州和尚法旨。趙州曰：我在青州作
 一領布衫。重七斤。廉范五袴詳仕進篇秦少遊
 詞云：客衣寒。客衣單。西風人度關。馬融絳帳詳師生篇白樂天為江州
 司馬。作琵琶行。詞云：坐中泣下誰最多。江州司馬青
 衫濕。狐白裘詳畜產李白遊慈恩寺。寺僧用水松牌乞
 詩。白為題記。僧乃以蘭縑袴贈之。彈冠詳朋友

漢文帝嬖愛董賢與賢畫寢以手爲賢作枕帝欲起
 賢睡未醒乃命左右取刀割斷其袖 貴妃死於馬
 尾駟有老嫗得錦初襪一隻士人爭以錢求看每靴
 百錢前後獲錢無數 陶弘景 唐孟浩然咏梅花
 詩云紫紗步帳最繁華 臥雪眠雲自一家雪又不
 寒雲又暖護持清夢到梅花 晉王濛美姿容出市
 中羣姬愛之見其帽破爭遺以新帽 季子敬妻
 詳貧窮篇
 漢光武初起義兵軍士持弓弩皆以絳衣赤幘 晉
 懷帝爲劉聰所執使之青衣行酒 蔡邕詳朋友
 溫嶠詳倫行

衣服三

兜鍪將士之歷中 幃婦人之服 荷旃被毳 貧寒之士 宜
 然重襦 累 衲 富貴之人 乃爾 韋 綬 之 纈 袍 采 采 祭 遵 之
 布 袴 翩翩 精 忠 膺 主 眷 狄 仁 傑 披 金 字 之 袍 陰 德 有 天
 知 裴 晉 公 還 紋 犀 之 帶 屈 子 紉 芝 蘭 爲 佩 軟 美 何 如 霍
 姬 燒 豆 蔻 熏 衣 馨 香 不 絕 肌 生 銀 粟 是 誰 寒 贈 紫 駝 尼
 肩 聳 玉 樓 有 客 煖 捐 紅 衲 襖 白 公 之 飛 雲 履 未 染 塵 埃
 趙 后 之 留 仙 裙 或 生 烟 霧 鄒 陽 曠 達 王 門 皆 可 曳 長 裾
 甯 戚 清 貧 農 野 不 妨 披 短 褐 閔 子 衣 蘆 花 之 絮 孝 行 純

全漢王製竹籜之冠威儀自別飄飄風陣起清涼新入
 廣文袍片片雪花飛洹東頻侵東郭履曲江遊而春衣
 試典河朔飲而夏葛輕披桃椎不徵野店頻懸居士屨
 企生既死高堂肯著逆臣裘豫讓擊襄子之衣忠誠憤
 發蘇氏織寶滔之錦精細縈廻賞賚不輕勿笑昭侯留
 敝袴繁華無愛可嘉桓子卻新衣子房還漢祖簪紳高
 人態度宋主賜邊臣裘帽哲后規模除茲數事傳聞更
 有一般比例邊文禮才堪用世允為世上襜褕龐士元
 志則過人更作人中冠冕

兜鍪冑也

冑音謀

巾幘婦人喪服孔明以此遺司馬

懿蓋恥之也

王褒聖主得賢臣頌夫荷旃破毳者

難與道純錦之麗密羨藜含煖者不足與論太牢之

滋味

毳吹去聲古脆字

家語子路既貴累裊重褥而坐歎

曰茲欲負米於百里外其可得乎唐德宗時韋綬

為翰林學士帝幸其院韋妃從會綬方寢學士鄭綱

欲馳告之帝不許時大寒以妃蜀纈袍覆之而去其

寵遇如此漢祭遵憂國奉公家無私財身自衣布

袴狄仁傑既悟武后疎姪全子武后重之特製金

字十二於袍賜之以旌其忠。撫言裴虔遊香山寺。有一女假得三帶以救父。過寺掛楯上禱神。遺志而去。度追還之後。封晉公人以為陰德所致。唐霍小玉嘗云。養紙芙蓉粉。熏衣荳蔻香。山谷詩云。饑食青糲飯。寒贈紫駝尼。紫駝尼蕃褐也張平子春日與友人偕行。盡卸其衲。襖客曰。恐流鼻白耳。平子曰。春入玉樓。不脫此。恐流鼻紅耳。玉樓肩也白樂天燒丹於廬山。以玄綾作飛雲履。染以沉檀。振履則如烟霧。常着以示道友。曰。吾足下生雲。計不久昇瑤府矣。留仙禪詳後宮

室蘆花絮詳前倫行

鄒陽書曰。使臣飾固陋之心。何王之門。而不可曳長裾乎。甯戚飯牛歌曰。南山粲白石。爛生不遭堯。與舜禪。短褐單衣。適至許齊桓公。聞之。遂舉以為相。許音幹。卽歷骨。漢相微時。以竹籜為冠。戴之人號竹皮冠。籜音託。箬皮也。鄭虔為廣文先生。杜贈以詩云。才名三十年。坐客寒無氈。東郭先生待詔公車貧。因饑寒。衣敝不完。行雪中。履有上無下。足盡踐地道。中人笑之。及拜二千石。出宮門。觀者歎曰。相馬失之瘦。相士失之貧。此之謂也。東郭先生東方朔也。杜子美春日

衣服

遊曲江嘗賦詩云朝回日日典春衣。每日江頭盡醉歸。
 漢劉松袁紹於河朔避暑。晝夜酣飲。避一時之暑。
 故河朔有避暑飲。唐朱桃椎隱廬山中。不仕。常織芒屨。置道傍。見者皆言朱居士屨也。易米置本處。
 桃椎至夕取之。終不見人。屬音 焚裘織錦 襄子 具詳倫行
 殺智伯。豫讓為智伯報讐。被獲。將殺之。讓曰。願請衣擊之。以示報讐。乃拔劍三擊其衣。遂伏劍而死。互詳 薦板
 韓昭侯有敝袴。命左右收藏之。曰。吾聞明主愛一類。一笑。今袴豈特頻笑哉。吾特留此。以待有功者。

世說桓冲不好着新衣。浴後。婦故送新衣。與桓桓怒。催使持去。婦更持還。傳語云。衣不經新。何由而舊。桓大笑。即服之。一子房車 全 斌在蜀時。京師大雪。宋太祖曰。我被服如此。尚覺寒。况西征將士。乎。即解裘。相送人。馳送斌。斌感泣而受之。邊讓字文禮。才華
 俊逸。孔融薦於桓帝。曰。讓為九州之被。則不足為單。衣襟。衿則有餘。九州被極。喻廣覆之意。麗。統。字。士
 元往見司馬德操。操採桑樹上。統立樹下。談論不輟。德操稱之為南州冠冕。

韓愈為銘○金云諛墓韓媽一出兒童覓綠野之金丸漢
 祖既還亞父撞鴻門之玉斗夏桀留心於岷女刻盡茗
 華齊侯敗績於晉師獻餘甗磬釵簪白玉燕飛漢代之
 宮錢鑄黃金蝶繞唐王之庫金埒金塢而且金其臺炫
 人耳目錦帆錦帳而又錦其樹駭我見聞第至富莫求
 而得之失之有命存者若不貪為寶而優也游也奚害
 賈焉

事文類聚云斑斑玉名瑟瑟珠名 史記云趙得和
 氏之璧秦昭王聞其美許以十五城易之故云連城

照乘詳英賢
 藍田詳婚姻

古詩床頭黃金盡壯士無顏色

唐武宗時扶餘國進火玉可以燃明置室中不必焚
 續唐天寶中外國進軟玉屈之則首尾相就伸之
 則勁直焉唐順宗時拘弘國貢水珠持入江海可
 從水中行後化為龍南蠻有火珠日中以艾藉珠
 則火出漢武帝有龍文錢宋畧云錢一貫長三寸
 曰鴛眼錢漢武帝郊祀見白麟神馬遂以金鑄麟
 趾裏蹄以協其瑞石崇小名齊奴王愷與崇鬪富
 不勝武帝出珊瑚樹高三尺者助之崇擊碎之帝欲

其賠崇以高六七尺者賠之四五尺者殆不勝數○
 唐裴行儉有瑪瑙盤廣二尺文采粲然軍吏趨跌盤○
 碎惶愧叩頭行儉曰汝非故也色不少變君子服其○
 量○銀曰白鑠朱提本縣名又山名出好銀故稱銀○
 為朱提時提音耿道士有仙術冬月間以雪削如銀○
 錠投烈火中不消格物志珠生於老蚌後漢韋○
 元將仲將兄弟並美孔融與其父書曰不意雙珠近○
 出老蚌麻姑詳神仙呂尚釣於渭濱魚腹中得○
 玉璜刻文曰姬受命呂佐之魯褒錢神論云大哉

錢之為體親之如兄字曰孔方無翼而飛無足而走○
 解嚴毅之顏開難發之口劉又持韓愈金而去曰○
 此諛墓中人所得不若與劉君為壽諛墓謂為人作墓銘韓○
 媽性奢侈以金為彈丸一日所失者十餘長安為之○
 語曰若饑寒逐彈丸京師兒童每伺媽出輒隨往望○
 彈丸所落而拾之媽音史記漢祖鴻門之宴起如○
 廁樊噲曰大行不顧細謹大禮不辭小讓如今人方○
 為刀俎我為魚肉何辭為遂逃歸灞上留張良以白○
 璧謝羽以玉斗謝增范增置之地拔劍撞破之曰唉

豎子不足與謀奪項王天下者必沛公也。燉煌紀
 年。桀伐岷山。岷山之君獻桀二女。曰宛。曰琰。桀受二
 女。刻其名於茗華之玉。甌磬。齊之寶玉。左傳云。齊
 敗績於晉。獻以甌磬之玉。甌音燕飛詳前衣服不食詳前廉潔
 杜陽編云。唐穆宗時。禁中花開。夜有蛺蝶數萬飛集
 花間。上令張網獲之。得數萬。以火燭之。皆庫藏中之
 金玉錢也。晉王武子養馬。編錢布地。號金埒。董
 卓居郿塢。積金四十萬。號金塢。燕昭王置金於臺
 以待賢士。號金臺。隋煬帝遊西苑。泛舟以錦為帆。

以牙為檣。石崇與王愷鬪富。列錦步帳四十里。
 吳越王錢鏐。於幼時所居之地。其樹皆掛以錦。號錦
 衣將軍。于罕不貪詳廉潔篇左傳。初。虞叔有玉。虞公求旃。
 弗獻。既而悔之。曰。周諺有之。匹夫無罪。懷璧其罪。吾
 焉用此。其以賈害也。乃獻之。又求其寶劍。叔曰。是無
 厭也。無厭將及我。遂伐虞公。故虞公出奔共池。

錢鏐於王孫之家可徵法德嗣續將盛嗚呼化金帶之
 狗爵祿彌高齊鳴幻玉絲之印夏桀乃昏庸主國用
 錢

滑山無滑絳又非遊外真公姑真公山衮共此
 無用此其以賈書也其精之天末其實賦賦曰長無
 典精潤而制之日周慈育之司夫無罪對聖其罪若
 大泮軍精神靈前主軒府真外育王真公末
 吳越王越難飲心却池岳文此其樹皆備以識聖
 以下為辭 可崇典王對屬富依離走勢四十里

珍寶二

有美玉於斯懸藜結綠積良金如彼麟趾馬蹄錯落火
 齊滄海月明有淚玲瓏琬琰藍田日煖生烟燕昭王之
 涼珠炎蒸無暑扶餘國之火玉冽沍無寒囊裏青蚨用
 却復來曾幾許篋中火浣燒而不燼更如何琥珀盞允
 可酌賓璫璃瓶最宜卜相金雨於大禹之世足驗治功
 錢飛於王尋之家可徵陰德嗣續將盛鳴鳩化金帶之
 鉤爵祿彌高飛鵲幻玉紋之印夏桀乃昏庸主國有瑤
 臺郭况是貴戚卿家多金穴賜來蜀嶺域中皆用鄧通

錢○泣○罷○荆○山○天○下○盡○聞○和○氏○璧○刻○岷○姬○之○形○以○玉○好○色
 惟○然○鑄○范○蠡○之○像○以○金○尊○賢○乃○爾○金○四○萬○斤○間○楚○錢○十
 萬○貫○通○神○楚○璧○琮○琤○豈○是○張○儀○之○竊○鮑○金○光○采○還○同○管
 子○之○分○雖○云○鐵○鑄○錯○而○不○成○猶○憶○珠○記○事○而○頓○悟○勿○謂
 玉○抵○鵲○而○非○貴○且○言○錢○化○蝶○而○有○靈○合○浦○珠○還○僉○謂○孟
 嘗○政○美○
 士○而○渡○河○毀○壁○乃○是○英○夫○球○向○腹○中○藏○偏○笑○賈○人○之○拙
 金○從○市○上○攫○可○嗟○俗○子○之○愚

懸○紫○楚○之○寶○玉○結○綠○宋○之○寶○玉
 李商隱詩滄海月

明珠有淚藍田日煖玉生煙火齊珠名拾遺記燕昭王

時外國獻黑蚌珠暑月懷之極清涼號昭涼珠青

映蠹名取其子母即飛來以母之血塗錢八十一文

又以子之血塗錢八十一文每市物用去母錢子錢

飛來用去子錢母錢飛來各循環無已白帖南炎

山有火鼠以其毛為布有污則浣之於火垢盡火滅

燦然鮮明號火浣布後漢梁冀以火浣布為衣會

賓客爭酒佯失盃而汗之解衣付於火燃之如灰垢

盡火滅燦然潔白博物志云松脂淪入地中千年

化爲茯苓再千年化爲琥珀又名江珠廣州志云
 璠璃出大秦高麗日南諸國其性堅刀刮不動白色
 厚半寸許此自然之物彩澤光潤五代史唐廢帝
 欲擇相左右皆言盧文紀及姚顯有人望帝因書姓
 名納之璠璃甌中焚香祝天以筋挾之得文紀遂以
 爲相史記大禹之世天雨金三日民大利唐王
 尋家世代積德家素貧困一日大風雨飛錢數百萬
 入室中後富至數十萬擅名江左韻府羣玉山西
 張氏世有陰德忽有鳩入室祝之曰爾爲禍耶飛上

承塵爲福耶飛入我懷鳩飛入懷以手探之得一金
 帶鉤遂寶焉自是子孫日富盛唐張璟見飛鵲忽
 墜於地化而爲石剖之得玉印文曰忠孝侯之印
 通鑑夏桀無道爲肉山酒池瓊宮瑤臺郭况光武
 郭后之弟也帝數幸其第賞賜黃金甚多時謂之金
 穴鄧錢詳富貴史記卞和得玉璞獻楚懷王王
 以爲欺則其左足又獻平王亦以爲欺則其右足後
 荆王立復欲獻之恐見害乃抱璞哭於荆山之下淚
 盡繼之以血荆王感而剖之果得美玉號和氏璧乃

封和為陵陽侯辭不受作怨詩行而去。吳越春秋越既破吳范蠡遂泛舟遊於五湖莫知所終句踐思之以黃金鑄像而朝禮之。漢陳平說高祖出黃金四萬斤以間楚之君臣。唐張延賞判度支欲究一冤獄忽明日案上一帖云奉錢五萬貫乞勿問此獄。公怒促之忽明日又一帖云奉錢十萬貫公曰錢至十萬貫通神矣遂止不問。張竊玉詳形體錢化蝶詳前篇鮑叔與管仲友鮑叔得金與管子分管多取之曰鮑叔知我貧也。五代羅紹威以魏博牙兵驕甚盡殺之後

遂為朱溫所制乃謂親吏曰聚六州四十三縣鐵鑄

一個錯不成。六州魏博恒益澶衛也鑄錯不成蓋歎其悞殺牙兵也唐張說

為相有記事珠事之遺忘者弄其珠則恍然悟。鹽

鐵論云崑山之下以玉抵鵲謂其所產賤也。漢書

孟嘗為合浦太守俗舊採珠以易米先時二千石使

人採珠積以自入珠忽徙去饑死者盈路孟嘗化行

一年之間去珠復還合浦焉。史記紂王聚鹿臺之

財積鉅橋之粟。安陵清者項仲山每飲馬渭水邊

必投三文錢而去。郝廉亦全列國記云澹臺滅明賈璧

卷九
渡河兩蛟夾舟奪之滅明日吾之璧可以義求不可
以威劫乃拔劍斬蛟較死毀璧於江而去唐太宗
曰西域賈人得美珠剖腹而藏之愛珠而不愛其身
也荀子云齊人有欲金者清旦衣冠而之市適晉
金者之所攫其金而去吏捕得之問曰鬧市之中子
攫人之金何對曰取金之時只見金不見人此蔽於
嗜慾而忘其形骸者也

宮室

樓題一建風雨攸除於室可棲遲鳥巢兔穴規模推廣
大鳳闕龍樓井榦齊雲美奪瓊官之勝章華長信高依
珠斗之躔長楊殿翠影屯雲五柞宮綠陰翳目巍然天
祿清光分太乙之藜卓爾柏梁瑞露滴仙人之掌臺臨
江水劉表呼鷹樓接雲霄蕭郎引鳳觀開玉局曾爲說
法之場閣建石渠已屬藏書之所涼臺燠館綠野堂制
度堪奇佳石異花平泉莊風光最絕秦阿房雄吞渭水
吳姑蘇勢壓虎丘是皆肯構肯堂亦有苟完苟美寇萊

公庭階外止許栽花李文靖廳事前僅容旋馬草萊勿
剪俗矣張仲蔚之門污穢不除陋哉陳孺子之室安樂
高弗加輪奐也足軒豈飾丹青青山在屋上流水在屋
下溪山不換王侯南陽諸葛廬西蜀子雲亭風月迭爲
賓主蕭爲門戶甕爲牖陳平之蓬室虛明雲作藩籬山
作屏柳子之茅亭瀟灑兩岸好花橫畧豹天排佳景與
人觀一庭瘦竹護菟裘地設名區從我欲
詩小雅斯干篇約之閣閣椽之橐橐風雨攸除烏巖
攸去君子攸芋 詩陳風衡門篇衡門之下可以棲

進泌之洋洋可以樂饑 宋人詩龍樓鳳閣九重城
漢武帝造井榦樓高五十丈在建章宮中 五代
韓浦建齊雲樓高與雲齊故云 國語楚靈王爲章
之臺與伍舉登焉曰臺美矣夫伍舉曰君爲此臺
人罷財盡數年而成若謂此美楚其殆矣 三信漢
官名 長楊宮本秦宮漢修飾之以備行幸有垂楊
因名 五柞宮漢宮也有五大柞樹因名 昨晉天
閣詳前文章相 漢劉表好鷹常登臺歌野鷹來之
梁臺詳前天文 吹簫引鳳 成都玉局觀老君
曲時號爲呼鷹臺 詳後樂具

與張道陵至此有局脚玉床。自地湧出。老君升坐。為道陵說。南北斗經。故名。石渠閣在漢未央宮中。與天祿相對。乃漢藏書之所。唐裴度致仕治第東都。號綠野堂。有涼臺。燠館。風臺。月榭之勝。唐李德裕為相。營平泉莊。求天下佳石異花。置其中。時有詩云。嶺北諸侯供異石。日南太守獻名花。秦建阿房宮。東西五百步。南北五千丈。下可建五丈旗。杜牧阿房宮賦有云。渭流漲膩。棄脂粉也。烟斜霧橫。焚椒蘭也。吳王夫差先得西施。為築姑蘇臺。高三百丈。游宴。

其上伍子胥諫曰。臣恐姑蘇不久為麋鹿之遊。王不聽。後越伐吳。臺遂見焚。宋寇萊公出人宰相。三十年。不營私第。庭階下並無廣地。僅可栽花而已。處士魏野贈詩曰。有官居。無地起樓臺。公南遷時。北使至內宴。歷視諸宰執。語譯者曰。孰是無地起樓臺。相公說出世。宋書李文靖公沆為相。治居第。廳事前。僅容旋馬。或言其太隘。公曰。為宰相。廳事誠隘。為太祝奉禮。則廳事已寬矣。世說補。張仲蔚隱居平陵。蓬蒿滿室。惟開一行徑。漢陳蕃年十五。閒居一室。

庭宇蕪穢殆滿薛勤往候之曰孺子何不掃除以待
賓客蕃曰大丈夫處世當掃清天下安事一室

高也足軒俱陋室銘云南陽諸葛廬西蜀子雲亭

孔子云何陋之有陳平事柳子厚茅亭記云因

高山之阻以面勢無節稅之華不斲椽不剪茨不列

墻以白雲為落籬碧山為屏風昭其儉也唐人閑

居詩兩岸好花橫畧豹一庭新竹繞欄杆豹音勺

菟裘魯公隱居之場左傳云速營菟裘吾將老矣坡

詩一庭瘦竹護菟裘菟音兔菟
絲草名

宮室二

宋殿玲瓏重門洞闢周邦鞏固百堵共興神堯之階下

生冀唐帝之宮前秀竹長安未央殿巍然壯渭水奇觀

荆楚岳陽樓美矣挹洞庭秀氣江水濬池源鍾山增城

址金陵允是帝王都洙流清翰墨岱嶽聳文峯闕里雅

宜賢聖宅避組風臺子揚歌凌煙閣功臣列像翹材館

欽賢館漢公孫延士之區臨春樓結綺樓陳後主幸妃

之所花月芙蓉館雍雍仙子儀從風霜細柳營赫赫將

軍號合萬里橋程途迢遞寧知唐主經過百尺樓氣象

崢嶸還屬元龍獨臥盤龍齋內瑞氣常臻夾馬營中異
 香○遍○達○碧○雞○坊○裏○神○仙○至○朱○雀○橋○邊○士○子○遊○黃○龍○殿○上
 宰○臣○朝○白○虎○觀○中○儒○士○集○花○萼○樓○一○聲○玉○笛○奏○清○蕊○珠
 宮○幾○度○鸞○笙○響○曉○雪○巢○既○構○應○無○半○點○俗○塵○月○榭○已○成
 賸○有○十○分○佳○景○靖○節○門○前○栽○五○柳○隱○士○家○風○晉○公○堂○下
 植○三○槐○相○臣○地○位○鵲○觀○滿○階○明○月○蝸○牛○廬○一○榻○清○風
 延○閣○虛○明○好○貯○書○吹○臺○突○兀○堪○懷○古○霍○將○軍○甲○第○高○入
 雲○霄○王○司○馬○門○墻○廣○容○旗○戟○退○思○常○是○魚○頭○叅○政○退○思
 時○知○妄○室○乃○半○山○居○士○知○妄○處○至○道○坊○間○土○窟○更○為○司

馬勝居浣花溪上草堂最是杜公樂地晏居既舊還勞
 霸○主○新○更○謝○宅○猶○存○寧○許○權○臣○妄○奪○否○中○道○常○泰○原○憲
 甕○牖○而○且○桑○樞○安○處○身○欲○危○哥○奴○重○關○而○又○複○壁
 宋太祖曰重門洞闢正如我心少有私曲人皆見之
 詩小雅斯干篇似續妣祖築室百堵西南其戶爰
 居爰處爰笑爰語黃茨詳後羣草唐書玄宗兄弟友愛
 後苑竹叢幽密帝謂諸王曰兄弟相親當如此竹因
 謂之義竹未央殿漢祖命蕭何所造取夜未央之
 義岳陽樓在鄂州據洞庭之勝范仲淹岳陽樓記

有浮光躍金靜影沉璧之句。吳都賦云鍾山增其城江水深其地金陵是吳都地故云。謝玄暉云江南佳麗地金陵帝王州。飛燕外傳漢成帝后趙飛燕體輕不勝風帝為製七寶避風臺后善為歸風送遠之曲歌於臺上酒酣風起后揚袖曰仙乎仙乎左右捉其裙帝目之曰此留仙裙也。唐紀太宗圖功臣二十四人於凌煙閣。公孫弘詳人事陳後主詳女子周亞夫詳武職括異記有朝士晚赴朝見美女二十餘並馬而行丁度在後朝士驚問之最後一人曰迎芙蓉館主俄而

聞丁度卒。成都記諸葛亮送費禕聘吳至一橋曰萬里之行始此因名後明皇幸蜀至此橋大歎曰僧一行曾謂朕曰二十年國有難當遠遊萬里外今至此矣由是駐蹕成都。陳元龍詳寶主南宋劉裕幼有大志嘗作一小齋扁曰盤龍蓋以其能變化也。宋紀趙太祖生於夾馬營中赤光滿室異香一月人因號為香孩兒。漢宣帝時有方士曰金馬碧雞之神可祭而致帝因建碧雞坊。朱雀橋在吳西晉士子遊觀之所劉禹錫烏衣巷詩朱雀橋邊野草花烏衣巷

口夕陽斜。魏晉時有黃龍殿。漢宣帝詔諸儒於
白虎觀中講五經同異。唐書明皇友愛諸王建花
萼樓常與諸王宴飲其上。寧王好吹玉笛故云。藥
珠宮神仙所居。宋林景思作廬舍以雪景成名之
曰雪巢楊廷秀作賦其畧云。式瑤我室式瓊我廡絕
無一埃點我勝槩。月榭詳前篇 五柳詳衣服 聞見錄云王祐
有大功於朝不得相謂人曰我不做二郎必做乃手
植三槐於庭曰吾子孫必有為三公者後王旦果相
東坡為作三槐堂記。唐人詩金波麗鳩鵲鳩鵲觀

名金波月也。魏處士焦光作圓舍形如蝸牛號蝸
牛廬蝸有角如牛故名蝸牛。藝文志云漢書奇名
為延閣內庫也。韻府云杜甫從李白過汴州酒酣
登吹臺慷慨懷古人莫測也。吹臺梁王歌臺漢紀宣帝賜
霍光甲第一區崔灝詩有云長安甲第高入雲誰家
居住霍將軍。晉書王濟為司馬起第宅開門前路
廣數十步或問之濟曰吾欲其容長戟旗旛如子公
容駟馬高蓋車。宋魯宗道號魚頭叅政營一小室
曰退思齋每退朝獨居其中雖妻子不許入。宋荆

公自號半山居士。築一室曰知妄。自為語錄云：知妄為妄，即妄是真，認妄為真，雖真亦妄。宋王拱辰於洛之道德坊起屋三層而居。司馬公於至道坊掘地為室居之。富鄭公嘗問邵堯夫曰：洛中有何新事？堯夫曰：有一巢居者，有一穴處者，遂以二公對。富公大笑。杜甫在成都時，劍南節度使裴冕為上浣花溪作草堂以居焉。左傳：齊景公欲更晏子之宅，謂晏子曰：子之宅近市，不可以居，請更諸爽塏者。晏子辭及晏子如晉，公更其宅，反則成矣。既拜，乃復舊宅。

開塏

上聲高爽也拜
蓋拜而受也拜
晉書桓玄欲以謝安宅廣其地謝
現曰召伯之仁猶惠吸甘棠文靖之德更不保五畝
之宅耶玄慚而止一這子原憲居環堵之室桑以為
樞甕以為牖上漏下濕坐而絃歌
李林甫小字哥
奴為玄宗相自覺結怨於人每憂刺客之害已其所
居室防護甚密為重關複壁每夕而數徙雖家人莫
知其常處

